

四庫全書

子部

欽定四庫全書

子部
荀子

目錄
卷二

詳校官侍讀學士臣沈咸熙

編修臣程嘉謨覆勘

覆校官中書臣呂雲棟

校對官中書臣袁文邵

謄錄監生臣劉國永

欽定四庫全書

子部一

荀子

儒家類

提要

臣等謹案荀子二十卷周荀况撰况趙人嘗仕楚為蘭陵令亦曰荀卿漢人或稱曰孫卿則以宣帝諱詢避嫌名也漢志儒家載荀卿三十三篇王應麟考證謂當作三十二篇劉向校書序錄稱孫卿書凡三百二十三篇以

相校除重複二百九十篇定著三十三篇為
十二卷題曰新書唐楊倞分易舊第編為二
十卷復為之註更名荀子即今本也考劉向
序錄卿以齊宣王時來游稷下後仕楚春申
君死而卿廢然史記六國年表載春申君之
死上距宣王之末凡八十七年史記稱卿年
五十始游齊則春申君死之年卿年當一百
三十七矣於理不近晁公武讀書志謂史記

所云年五十為年十五之訛意其或然宋濂
荀子書後又以為襄王時游稷下亦未詳所
本總之戰國時人爾其生卒年月已不可確
考矣況之著書主於明周孔之教崇禮而勤
學其中最為口寔者莫過於非十二子及性
惡兩篇王應麟困學紀聞據韓詩外傳所引
荀但非十子而無子思孟子以今本為其徒
李斯等所增不知子思孟子後來論定為聖

賢耳其在當時固亦鄉之曹偶是猶朱陸之相非不足訝也至其以性為惡以善為偽誠未免於理未融然鄉恐人恃性善之說任自然而廢學因言性不可恃當勉力於先王之教故其言曰凡性者天之所就也不可學不可事禮義者聖人之所生也人之所學而能所事而成者也不可學不可事而在人者謂之性可學而能可事而成之在人者謂之偽

是性偽之分也其辨白偽字甚明楊倞註亦
曰偽為也凡非天性而人作為之者皆謂之
偽故偽字人旁加為亦會意字也其說亦合
卿本意後人昧於訓詁誤以為真偽之偽遂
譁然掊擊謂卿蔑視禮義如老莊之所言是
非惟未睹其全書即性惡一篇自篇首二句
以外亦未竟讀矣平心而論卿之學源出孔
門在諸子之中最為近正是其所長主持太

甚詞義或至於過當是其所短韓愈大醇小疵之說要為定論餘皆好惡之詞也楊倞所註亦頗詳洽唐書藝文志以倞為楊汝士子而宰相世系表則載楊汝士三子一名知溫一名知遠一名知至無名倞者表志同出歐陽修手不知何以互異意者倞或改名如溫庭筠之一名岐歟乾隆四十一年五月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

子部一

荀子目錄

儒家類

卷一

勸學篇第一

修身篇第二

卷二

不苟篇第三

榮辱篇第四

卷三

非相篇第五

非十二子篇第六

仲尼篇第七

卷四

儒效篇第八

卷五

王制篇第九

卷六

富國篇第十

卷七

王霸篇第十一

卷八

君道篇第十二

卷九

臣道篇第十三

致仕篇第十四

卷十

議兵篇第十五

卷十一

彊國篇第十六

天論篇第十七

卷十二

正論篇第十八

卷十三

禮論篇第十九

卷十四

樂論篇第二十

卷十五

解蔽篇第二十一

卷十六

正名篇第二十二

卷十七

性惡篇第二十三

君子篇第二十四

卷十八

成相篇第二十五

賦篇第二十六

卷十九

大略篇第二十七

卷二十

宥坐篇第二十八

子道篇第二十九

法行篇第三十

哀公篇第三十一

堯問篇第三十二

楊倞註荀子序

昔周公稽古三五之道損益夏殷之典制禮作樂以仁義理天下其德化刑政存乎詩至于幽厲失道始變風變雅作矣平王東遷諸侯力政逮五霸之後則王道不絕如綫故仲尼定禮樂作春秋然後三代遺風弛而復張而無時無位功烈不得被于天下但門人傳述而已陵夷至于戰國於是申商苛虐孫吳變詐以族論罪殺人盈城談說者又以慎墨蘇張為宗則孔氏之道幾乎

息矣有志之士所為痛心疾首也故孟軻闡其前荀卿
振其後觀其立言指事根極理要敷陳往古掎音拮挈當
世撥亂興理易於反掌真名世之士王者之師又其書
亦所以羽翼六經增光孔氏非徒諸子之言也蓋周公
制作之仲尼祖述之荀孟贊成之所以膠固王道至深
至備雖春秋之四夷交侵戰國之三綱弛絕斯道竟不
墜矣倖以末宦之暇頗窺篇籍竊感炎黃之風未洽於
聖代謂荀孟有功於時政尤所取慕而孟子有趙氏章

卷二十

宥坐篇第二十八

子道篇第二十九

法行篇第三十

哀公篇第三十一

堯問篇第三十二

楊倞註荀子序

昔周公稽古三五之道損益夏殷之典制禮作樂以仁義理天下其德化刑政存乎詩至于幽厲失道始變風變雅作矣平王東遷諸侯力政逮五霸之後則王道不絕如綫故仲尼定禮樂作春秋然後三代遺風弛而復張而無時無位功烈不得被于天下但門人傳述而已陵夷至于戰國於是申商苛虐孫吳變詐以族論罪殺人盈城談說者又以慎墨蘇張為宗則孔氏之道幾乎

息矣有志之士所為痛心疾首也故孟軻闡其前荀卿
振其後觀其立言指事根極理要敷陳往古掎音挈當
世撥亂興理易於反掌真名世之士王者之師又其書
亦所以羽翼六經增光孔氏非徒諸子之言也蓋周公
制作之仲尼祖述之荀孟贊成之所以膠固王道至深
至備雖春秋之四夷交侵戰國之三綱弛絕斯道竟不
墜矣倖以末宦之暇頗窺篇籍竊感炎黃之風未洽於
聖代謂荀孟有功於時政尤所取慕而孟子有趙氏章

句漢氏亦嘗立博士傳誓不絕故今之君子多好其書
獨荀子未有註解亦復編簡爛脫傳寫謬誤雖好事者
時亦覽之至於文義不通屢掩卷焉夫理曉則愜心文
舛則忤意未知者謂異端不覽覽者以說誤不終所以
荀氏之書千載而未光焉輒用申抒鄙思敷尋義理其
所徵據則博求諸書但以古今字殊齊楚言異事資叅
考不得不廣或取偏旁相近聲類相通或字少增加文
重刊削或求之古字或徵諸方言加以孤陋寡儔愚昧

多蔽穿鑿之責於何可逃曾未足粗明先賢之旨適增其蕪穢耳蓋以自備省覽非敢傳之將來以文字煩多故分舊十二卷三十二篇爲二十卷又改孫卿新書爲荀卿子其篇第亦頗有移易使以類相從云時歲在戊戌大唐睿聖文武皇帝元和十三年十二月也

欽定四庫全書

荀子卷一

唐 楊倞 註

勸學篇第一

君子曰學不可以已青出之於藍而青於藍冰出之於水

而寒於水

以喻學則才過其本性也

木直中繩輮以爲輪其曲中規

雖有槁暴不復挺者輮使之然也

輮屈槁枯暴乾挺直也晏子春秋作不復

矣故木受繩則直金就礪則利君子博學而日參省乎

已則知明而行無過矣

參三也曾子曰吾日三省吾身。知讀為智行下孟反

故

不登高山不知天之高也不臨深谿不知地之厚也不

聞先王之遺言不知學問之大也大謂有蓋於人于越夷貊之

子生而同聲長而異俗教使之然也于越猶言吳越呂氏春秋荆有欽飛

得寶劍於于越高誘曰吳邑也貊東北夷同聲謂啼聲同貊莫革反詩曰嗟爾君子無恒

安息靖共爾位好是正直神之聽之介爾景福詩小雅

篇靖謀介助景大也無恒安息戒之不使懷安也言能謀恭其位好正直之道則神聽而助之福引此詩以喻

勸神莫大於化道福莫長於無禍爲學則化道故神莫大焉修身則自無禍

故福莫吾嘗終日而思矣不如須臾之所學也吾嘗跂

而望矣不如登高之博見也

足舉也

登高而招臂非加長

也而見者遠順風而呼聲非加疾也而聞者彰假輿馬

者非利足也而致千里假舟楫者非能水也而絕江河

能善絕過

君子生非異也善假於物也

皆以喻修身在假於學生非異言與衆人

也同南方有鳥焉名曰蒙鳩以羽為巢而編之以髮繫之

葦苕風至苕折卵破子死巢非不完也所繫者然也

蒙鳩

鷦鷯也苕葦之秀也今巧婦鳥之巢至精密多繫於葦

竹之上是也蒙當為蔑方言云鷽鷽自闕而西謂之桑

飛或謂之蔑雀或曰一名蒙鳩亦以其愚也言人不知

學問其所置身亦猶繫葦之危也

說苑

客謂孟嘗君曰

荀子

二

鵲巢於葦菖著之以髮可完堅矣
大風至則葦折卵破何也所託然也
西方有木焉名曰

射干莖長四寸生於高山之上而臨百仞之淵木莖非

能長也所立者然也
本草藥名有射干一名烏萎陶弘景云花白莖長如射人之執竿又

引阮公詩云射干臨層城是生於高處也據本草在草部中又生南陽川谷此云西方有木未詳或曰長四寸

即是草云木誤也蓋生南陽亦生西方也射音夜
蓬生麻中不扶而直蘭槐之

根是為芷其漸之滌君子不近庶人不服其質非不美

也所漸者然也
蘭槐香草也其根是為芷也本草白芷一名白芷陶弘景云離騷所謂蘭芷也

蓋苗名蘭芷根名芷也蘭槐當是蘭芷别名故云蘭槐之根是為芷也漸漬也染也滌溺也言雖香草浸漬於

溺中則可惡也漸
子廉反滄思酒反故君子居必擇鄉遊必就士所以防

邪僻而近中正也物類之起必有所始榮辱之來必象

其德肉腐出蟲魚枯生蠹怠慢忘身禍災乃作彊自取

柱乘自取束

凡物彊則以為柱而任勞乘則見束而約急皆其自取也

邪穢在身怨

之所構

構結也言亦所自取也

施薪若一火就燥也

布薪於地均若一火就燥

而焚也平地若一水就濕也草木疇生禽獸羣焉物各從

其類也

疇與儔同類也

是故質的張而弓矢至焉林木茂而斧

斤至焉

所謂召禍也質射侯的正鵠也

樹成蔭而衆鳥息焉醯醢而蚋

聚焉

喻有德則慕之者衆

故言有召禍也行有招辱也君子慎其

所立乎

禍福如此不可不慎所立所立即謂學也

積土成山風雨興焉積水

成淵蛟龍生焉積善成德而神明自得聖心循焉

神明自得

謂自通於神明

故不積跬步無以至千里

半步曰跬跬與跬同

不積小流

無以成江河騏驥一躍不能十步駕馬十駕

言駕馬十度引車則

亦及騏驥之一躍據下云駕馬十駕則亦及之此亦當同疑脫一句

功在不舍鍤而舍之

朽木不折鍤而不舍金石可鏤

言立功在於不舍舍與捨同音鏤刻也若結反

春秋傳曰陽虎借邑人之車鏤其軸也

蟻無爪牙之利筋骨之彊上食埃

土下飲黃泉用心一也

蟻與蚓同

蟹六跪而二螯非蛇

蠃之穴無所寄託者用心躁也

跪足也韓子以刳足爲刳跪教蟹首上如鉞者

許叔重說文云蟹六足二螯也

是故無冥冥之志者無昭昭之明無惛

惛之事者無赫赫之功

冥冥惛惛皆專然精誠之謂也

行衢道者不至

事兩君者不容

爾雅云四通謂之衢孫炎云衢交道四出也或曰衢道兩道也不至不能有所

至下篇有楊朱哭衢塗今秦俗猶以兩爲衢古之遺言歟

目不兩視而明耳不兩聽

而聰螣蛇無足而飛

爾雅云螣螣蛇郭璞云龍類能興雲霧而遊其中也

梧鼠五

技而窮

梧鼠當爲鼯鼠蓋本誤爲鼯字傳寫誤爲梧耳技才能也言技能雖多而不能如螣蛇專一故

窮五技謂能飛不能上屋能緣不能窮木能游不能渡谷能穴不能掩身能走不能窮先人詩曰鵙鵙

在桑其子七兮淑人君子其儀一兮其儀一兮心如結

兮故君子結於一也詩曹風鵙鵙之篇毛萇云鵙鵙

夕從下而上平均如一善人君子其執義亦當如鵙鵙之一執義一則用心堅固故曰心如結也昔者

瓠巴鼓瑟而流魚出聽瓠巴古之善鼓瑟者不知何代人

瓠巴鼓瑟鳥舞魚躍也伯牙鼓琴而六馬仰秣伯牙古之善鼓琴者亦不知何代人

也六馬天子路車之馬也漢書曰乾六車坤六馬白虎通曰天子之馬六者示有事於天地四方也張衡西京

賦曰天子駕彫軫六駿駿又曰六玄蚪之故聲無小而

奕奕齊騰驤之沛艾仰首而秣聽其聲也

不聞行無隱而不形

形謂有形可見

玉在山而水草潤淵生珠

而崖不枯為善不積邪安有不聞者乎

崖岸枯燥

學惡乎始

惡乎終

假設問也

曰其數則始乎誦經終乎讀禮

數術也經禮

謂典禮之屬也

其義則始乎為士終乎為聖人

義謂學之意言在乎脩身也

真積力久則入

真誠也力行也誠積力久則能入於學也

學至乎沒而後止

也

生則不可怠惰也

故學數有終若其義則不可須臾舍也為

之人也舍之禽獸也故書者政事之紀也

書所以紀政事此說六經

意詩者中聲之所止也

詩謂樂章所以節聲音至乎中而止不使流淫也春秋傳曰中

聲已降五降之禮者法之大分羣類之綱紀也禮所以爲典法

後不容彈矣之大分統類之綱紀類謂禮法所無觸類而故學至于

禮而止矣夫是之謂道德之極禮之敬文也禮有周旋揖讓之敬

車服等級樂之中和也中和謂使人得中和悅也詩書之博也博謂廣記

土風鳥獸草木及政事也春秋之微也微謂褒貶沮勸微而顯志而晦之類也在天地

之間者畢矣君子之學也入乎耳著乎心布乎四體形

乎動靜所謂古之學爲已入乎耳著乎心謂聞則志而不忘也布乎四體謂有威儀潤身也形乎動靜

謂知所端而言蠕而動一可以爲法則端讀爲喘喘微措履也言也蠕微動也

一皆也或喘息微言或蠕蠢微動皆可以為法
則端音人元反或曰端而言謂端莊而言也 小人之

學也入乎耳出乎口

所謂今之學為人道聽塗說也

口耳之間則四寸

耳曷足以美七尺之軀哉

韓侍郎云則當為財與纔同

古之學者為

已今之學者為人君子之學也以美其身小人之學也

以為禽犢

禽犢饋獻之物也

故不問而告謂之傲

傲喧噪也言與戲傲無異

或曰讀為噉聲曰噉噉然也噉與噉通

問一而告二謂之噴

噴即讚字也謂以言彊讚

助之今贊禮謂之贊贊古字口與言多通

傲非也噴非也君子如嚮矣

嚮與贊同

聲

應學莫便乎近其人

謂賢師也禮樂法而不說

有大法而不曲說也

詩書故而不切

詩書但論先王故事而不委曲切近於人故曰學詩三百使於四方不能專對

也春秋約而不速

文義隱約褒貶難明不能使人速曉其意

方其人之習君

子之說則尊以徧矣周於世矣

當其習說之時則尊高而徧周於世事矣六經

則不能然之也

故曰學莫便乎近其人學之經莫速乎好其人

隆禮次之

學之大經莫速於好近賢人若無其人則隆禮為次之

上不能好其人

下不能隆禮安特將學雜識志順詩書而已耳則末世

窮年不免為陋儒而已

安語助猶言抑也或作安或作案荀子多用此字禮記三年問

作焉戰國策謂趙王曰秦與韓為上交秦禍案移於梁矣秦與梁為上交秦禍案攘於趙矣呂氏春秋吳起謂

商文曰今置質為臣其主安重釋璽辭官其主安輕蓋
當時人通以安為語助或方言耳特猶言直也雖識志
謂雜誌記書百家之說言既不能好其人入不能隆禮
直學雜誌順詩書而已豈免為陋儒乎言不知道變也

將原先王本仁義則禮正其經緯蹊徑也

所成所出者在於禮也

若挈裘領誦五指而頓之順者不可勝數也

言禮亦為人之綱領

挈舉也誦與屈同頓挈也順者不可勝數言禮皆順也

不道禮憲以詩書為之

說也憲標表也譬之猶以指測河也以戈舂黍也以錐殄壺也

不可以得之矣故隆禮雖未明法士也不隆禮雖察辨

散儒也

散謂不自檢束莊子以不材木為材木也

問楛者勿告也

楛與苦同惡也問楛

謂所問非禮義也凡器物堅好者謂之功濫惡者謂之

楛國語曰辨其功苦韋昭曰堅曰功脆曰苦故西京賦

曰鬻良雜苦史記曰器不苦窳或曰告楛者勿問也說

楛者勿聽也有爭氣者勿與辯也故必由其道至然後

接之非其道則避之道不至則不接故禮恭而後可與言道之

方辭順而後可與言道之理色從而後可與言道之致

致極也此謂道至而後接之也故未可與言而言謂之傲傲亦戲傲也

及而言謂之躁可與言而不言謂之隱不觀顏色而言謂之瞽

故君子不傲不隱不瞽謹順其身瞽者不識人之顏色詩曰匪交

匪紆天子所予此之謂也

詩小雅采芣之篇匪交當為彼交言彼與人文接不敢紆

緩故受天子之賜予也

百發一失不足謂善射千里跣步不至不

足謂善御

未能全盡

倫類不通仁義不一不足謂善學

通倫類謂

禮法所未該以其等倫比類而通之謂一以貫之觸類而長也一云仁義謂造次不離他術不能亂也

學

也者固學一之也一出焉一入焉塗巷之人也

或善其

善者少不善者多桀紂盜跖也

盜跖柳下惠之弟聚徒九千人於太山之傍侵

諸侯孔子說之而不入也

全之盡之然後學者也

學然後全盡

君子知夫

不全不粹之不足以爲美也故誦數以貫之

使習禮樂詩書之數

以貫穿之也

思索以通之

思求其意也

為其人以處之

為擇賢人與之處也

除其害者以持養之使目非是無欲見也使耳非是無

欲聞也使口非是無欲言也使心非是無欲慮也

是猶此也

謂學也或曰是謂正道也

及至其致好之也目好之五色耳好之五

聲口好之五味心利之有天下

致極也謂不學極恣其性欲不可禁也心利之

有天下之富也或曰學成之後必受榮貴故能盡其欲也

是故權利不能傾也羣衆

不能移也天下不能蕩也

蕩動也覆說為學學則物不能傾移也

生乎由

是死乎由是夫是之謂德操

死生必由於學是乃德之操行

德操然後

能定能定然後能應

我能定故能應物也

能定能應夫是之謂成

人乃為成就之人也

天見其明地見其光君子貴其全

也

見顯也明謂日月光謂水火金玉天顯其日月之明而地顯其水火金玉之光君子則貴其德之全也

脩身篇第二

見善脩然必以自存也

脩然整飾貌言見善必自整飾使存於身也

見不善

愀然必以自省也

愀然憂懼貌自省其過也

善在身介然必以自好

也

介然堅固貌易曰介如石焉自好自樂其善也

不善在身也菑然必以自惡

也

菑讀為災災然災害在身之貌

故非我而當者吾師也我而當者

吾友也諂諛我者吾賊也故君子隆師而親友以致惡

其賊

致猶極也下同

好善無厭受諫而能誠雖欲無進得乎哉

小人反是致亂而惡人之非已也致不肖而欲人之賢已也心如虎狼行如禽獸而又怨人之賊已也諂諛者親諫諍者䟽修正爲笑至忠爲賊雖欲無滅亡得乎哉

至忠反以爲賊

詩曰滄滄訛訛亦孔之哀謀之其臧則具是違

謀之不臧則具是依此之謂也

詩小雅小旻之篇毛注云滄滄然患其上訛訛

然不思稱乎上鄭云臣不事君亂之階也故甚可哀滄許急反訛音紫

痛善之度以治氣

養生則後彭祖以修身自名則配堯禹

扁讀為辨韓詩外傳曰君子有

辨善之度言君子有辨別善之法即謂禮也言若用禮治氣養生則壽不及於彭祖若以修身自為名號則配堯禹不朽矣言禮雖不能治氣養生而長於修身自為名號以此辨之則善可知矣彭祖堯臣名鏗封於彭城經虞夏商壽七百歲也

宜於時通利以處窮禮信是也

信誠也言所用修身

及時通處窮禮誠是也孟子曰君子窮則獨善其身達則兼善天下

凡用血氣志意知慮

由禮則治通不由禮則勃亂提侵

提侵舒緩也爾雅云媿媿安也詩曰好人

提提皆舒緩之義

食飲衣服居處動靜由禮則和節不由禮則

觸陷生疾容貌態度進退趨行由禮則雅不由禮則夷

固辟達庸衆而野

夷倨也論語曰原壤夷俟固陋也庸凡庸衆衆人野郊野之人故人

無禮則不生事無禮則不成國家無禮則不寧詩曰禮

儀卒度笑語卒獲此之謂也

詩小雅楚茨之篇卒盡也獲得也

以善先

人者謂之教以善和人者謂之順

先謂首唱也和胡卧反下同

以不

善先人者謂之諂以不善和人者謂之諛

諂諂之言陷也

之諛與俞同義故為不善和人也

是是非非謂之知

能辨是為是非非謂之智也

是是非謂之愚

以是為非以非為是謂之愚也

傷良曰讒害良曰賊是

謂是非謂非曰直竊貨曰盜匿行曰詐易言曰誕趣舍

無定謂之無常

不恒之人

保利弃義謂之至賊

保安

多聞曰博

少聞曰淺多見曰閑

閑習也

事則不迫遽

其

少見曰陋難進曰

促

促

與提提皆同謂舒緩也

易忘曰漏少而理曰治多而亂曰耗

謂少

舉其要而有條理謂之治耗虛弱也凡物多而易盡曰耗也

治氣養心之術

言以禮修身是

亦治氣養心之術不必如彭祖也

血氣剛彊則柔之以調和知慮漸深

則一之以易良

漸進也或曰漸浸也子康反詩曰漸車帷裳言智慮深則近險詐故一之以易

良也勇膽猛戾則輔之以道順

膽有膽氣戾忿惡也此性多不順故以道順輔之也

齊給便利則節之以動止

爾雅云齊疾也齊急便利皆捷速也懼其太陵遽故節之

使安徐也狹隘偏小則廓之以廣大卑濕重遲貪利則抗之

以高志

卑謂謙下濕亦謂自卑下如地之下濕然也方

而不隆行而中止皆謂之濕亦謂之過謙恭而無禮者重遲寬緩也夫過恭則無威儀寬緩恒不及機事貪利

則苟得也故皆抗

之高志也或曰卑濕亦謂遲緩也言遲緩之人如有卑濕之疾不能運動也

庸衆

散則刳之以師友

庸衆已解上驚謂材下如驚馬者也散不拘檢者也刳奪去也言以師友

去其舊性也

怠慢僇弃則炤之以禍災

僇輕也謂自輕其身也音匹妙反方言楚

謂相輕薄為僇炤之以禍災謂以

愚款端慤則合之以

禍災照燭之使知懼也炤與照同

禮樂通之以思索

款誠款也說文云款意有所欲也愚款端慤多無潤色故曰合之以禮樂

此皆言修身之術
在攻其所短也

凡治氣養心之術莫徑由禮莫要得

師莫神一好

徑捷速也神神明也一好謂好善不好惡也

夫是之謂治氣養

心之術也志意脩則驕富貴矣道義重則輕王公矣內

省則外物輕矣傳曰君子役物小人役於物此之謂也

君子能役物小人為物所役凡言傳曰皆舊所傳聞之言也

身勞而心安為之利少

而義多為之事亂君而通不如事窮君而順焉

窮君小國迫脅

之君也言事大國暴亂之君違道而通不如事小國之君順行其道也

故良農不為水旱

不耕良賈不為折閱不市

折損也閱賣也謂損所閱賣之物價也賈音古

士君

子不為貧窮怠乎道體恭敬而心忠信術禮義而情愛

人術法也

橫行天下雖困四夷人莫不貴

橫行不順理而行困窮也言所

至皆貴也

勞苦之事則爭先饒樂之事則能讓端慤誠信拘

守而詳

拘守謂守而勿失詳謂審於事也

橫行天下雖困四夷人莫不

任體倨固而心執詐術順墨而精雜汗

倨傲也固鄙固順墨當為慎墨

慎謂齊宣王時處士慎到也其術本黃老歸刑名先申韓其意相似多明不尚賢不使能之道著書四十一篇

墨翟宋人號墨子墨子著書三十五篇其術多務儉嗇精當為清雜汗謂非禮義之言也橫行天下

雖達四方人莫不賤勞苦之事則偷懦轉脫

偷謂苟避於事懦亦

謂懦弱畏事皆怠惰之義或曰偷當為輸揚子方言云懦輸愚郭璞注謂懦弱也又云解偷懦謂懦之人苟求

免於事饒樂之事則佞允而不曲允悅也言接悅於人以求饒樂之事不曲

謂直取辟違而不慤乖辟違背不能端程役而不錄功

役勞役錄檢束也於功程及勞役之事急情而不檢束言不能拘守而詳之也橫行天下雖達

四方人莫不奔行而供冀非漬淖也供恭也冀當為翼凡行自當恭敬非

謂漬於泥淖也人在泥淖中則兢兢然或曰李巡注爾雅冀州曰冀近也恭敬謂不敢放誕也行而俯

項非擊戾也擊戾謂項曲戾不能仰偶視而先俯非恐

懼也偶視對然夫士欲獨修其身不以得罪於比俗之

人也夫驥一日而千里駑馬十駕則亦及之矣將以窮
無窮逐無極與其折骨絕筋終身不可以相及也將有
所止之則千里雖遠亦或遲或速或先或後胡為乎其
不可以相及也不識步道者將以窮無窮逐無極與意
亦有所止之與行遠夫堅白同異有厚無厚之察非不察

也

此言公孫龍惠施之曲說異理不可為法也堅白謂厚堅白也公孫堅白論曰堅白石三可乎曰不可二

可乎曰可謂目視石但見白不知其堅則謂之白石手觸石則知其堅而不知其白則謂之堅石是堅白終不

同合為一也

司馬彪曰堅白謂堅石非石白馬非馬也同異謂使異者同同者異或曰即莊子所謂大同而與

小同異此之謂小同異言同在天地之間故謂之大同
物各有種類所謂大同故謂之小同是大同與小同異也此
畧舉同異故曰此謂小同異莊子又曰萬物畢同畢異
此之謂大同異言萬物總謂之物莫不皆同是萬物畢
同若分而別之則人耳目鼻口百體草木枝葉花實無
不皆異是物畢異也此具舉同異故曰此之謂大同異
莊子又曰無厚不可積也其大千里無厚謂厚之極不
可爲厚薄也不可積言其委積至多不可使復積也凡
無厚不可積因於有厚可積故得
其大千里千里者舉大之極也
也止而倚魁之行非不難也然而君子不行止之也倚
也不爲倚魁之行非不難也然而君子不行止之也倚
也奇讀爲奇偶之奇方言云秦晉之間凡物體全而不
具謂之倚魁大也倚魁皆謂偏倚狂怪之行莊子曰南
方有倚人焉
故學曰遲彼止而待我我行而就之
謂黃獮也

學者傳此言也
遲待也直吏反

則亦或遲或速或先或後胡為乎其不

可以同至也故跼步不休跛鼈千里累土不輟丘山崇

成

重意莊六十四章九層之臺起於累土千里之行始於足下

厭其源開其瀆江河

可竭

厭塞也音一涉反源江實也

一進一退一左一右六驥不致不

齊故不能致遠路也

彼人之才性之相懸也豈若跛鼈之與六驥

足哉然而跛鼈致之六驥不致是無他故焉或為之或

不為之耳道雖邇不行不至事雖小不為不成其為人

也多暇日者其出入不遠矣

多暇日謂急出入謂道路所至也

好法而

行士也

好法而能行則謂之士事也

篤志而體君子也

厚其志而

知大體者也

齊明而不竭聖人也

齊謂無偏頗也不竭不窮也書曰成湯克齊聖廣淵

人無法則倭倭然

倭倭無所適貌也言不知所措履禮記曰倭倭乎其何之

有法而

無志其義則渠渠然

渠讀為遽古字渠遽通渠渠不寬泰之貌志識也不識其義謂但拘

守文字而已矣

依乎法而又深其類然後溫溫然

深其類謂深

有潤澤之貌舉類君子所難故屢言之也

禮者所以正身也師者所以正禮

也無禮何以正身無師吾安知禮之為是也禮然而然

則是情安禮也師云而云則是知若師也情安禮知若

師則是聖人也

情安禮謂若天性所安不以學也行不違禮言不違師則與聖人無異言師法

之效如此

故非禮是無法也非師是無師也

無師謂不以師為師不是

師法而好自用譬之是猶以盲辨色以聾辨聲也舍亂

妄無為也

舍除也除亂妄之人孰肯為此也

故學也者禮法也夫師以

身為正儀而貴自安者也

效師之禮法以為正儀如性之所安斯為貴也禮或為體

詩曰不識不知順帝之則此之謂也

詩大雅皇矣之篇引此以喻師法暗

合天道如文王雖未

知已順天之法則也端慤順弟則可謂善少者矣

弟與悌同

加好學遜敏焉則有鈞無上可以為君子者矣

既好學遜敏又

有鈞平之心而無上人之意則可以偷儒憚事無廉恥

為君子矣或曰有鈞無上四字衍耳

而嗜乎飲食則可謂惡少者矣偷儒憚事皆謂懦弱加

惕悍而不順險賊而不弟焉韓侍郎云惕與蕩同字作

則可謂不詳少者矣雖陷刑戮可也詳當老老而壯者

歸焉老老謂以老為老而尊敬之也孟子曰伯夷太公

其子不窮窮而通者積焉窮者則寬而容之不迫蹙以

馬往冥施乎無報而賢不肖一焉行乎冥

填委也既然則通者歸亦多矣覆巢毀卵則鳳行乎冥

務報如此賢不肖
同慕而歸之也

人有此三行雖有大過天其不遂乎

若不幸而有過天亦佑之
矣此固不宜有大災也

君子之求利也略其遠思也

早其避辱也懼其行道理也勇君子貧窮而志廣富貴

而體恭安燕而血氣不惰勞勸而容貌不枯怒不過奪

喜不過予

子賜也周禮八柄
三曰予以馭其幸

君子貧窮而志廣隆仁也

仁愛之心厚故所思者
廣言務於遠大濟物也

富貴而體恭殺勢也

滅權勢之
威故形體

恭謹教
所介反

安燕而血氣不惰東理也

東與簡同言東擇事
理所宜而不務驕逸

故雖安燕而
不至怠惰

勞勸而容貌不枯好交也

以和好交接於
物志意常泰也

怒不過奪喜不過予法勝私也

以公滅私故賞罰得中也

書曰無有

作好遵王之道無有作惡遵王之路此言君子之能以

公義勝私欲也

書洪範之辭

荀子卷一

欽定四庫全書

荀子卷二

唐 楊倞 註

不苟篇第三

君子行不貴苟難說不貴苟察

行如字察聰察

名不貴苟傳唯

其當之為貴

當謂合禮義也當丁浪反

負石而赴河是行之難為者

也而申徒狄能之

申徒狄恨道不行發憤而負石自沈於河莊子音義曰殷時人韓詩外傳

曰申徒狄將自投於河崔嘉聞而止之不從也

然而君子不貴者非禮義之中

也

禮義之中時止則止時行則行不必枯槁赴淵也楊子雲非屈原曰君子遭時則大行不遇時則龍蛇何

必沈身也。山淵平天地比。比謂齊等也。莊子曰：天與地界，山

於天若宇宙之高，則天地皆卑；天地皆卑，則山與澤平。

矣。或曰：天無實形，地之上空虛者，盡皆天也。是天地長

親比相隨，無天高地下之殊也。在高山則天亦高，在深

淵則天亦下。故曰：天地比地，去天遠近皆相似。是山澤

也。平齊秦襲。襲，合也。齊在東，秦在西，相去甚遠，若以天

入乎耳，出乎口。未詳所明之意，或曰：即山出口也。言山

間人聲而應之，故曰：入乎耳，出乎口。一山衆山皆應，是山

或曰：山能吐納雲霧，是以有口也。鈞有須。秦襲入乎

耳，出乎口，鈞有須，皆淺學所未見。或曰：鈞有須，即丁子

有尾也。丁之曲者，為鈞須，與尾皆尾類，是同也。莊子音

義云：夫萬物無形，無定稱，在上為首，在下為尾。世

謂右行曲波為尾，今丁子二字雖左行曲波，亦是尾也。

卵有毛

司馬彪曰胎卵之生必有毛羽雞伏鵠卵卵不為雞則生類於鵠也毛氣成毛羽氣成羽雖胎

卵未生而毛羽之性已著矣故曰卵有毛也

是說之難持者也而惠施鄧析

能精之

皆異端曲說故曰難持惠施梁相與莊子同時其書五車其道舛駁鄧析鄧大夫劉向云鄧析

好刑名操兩可之說設無窮之辭數難子產為政子產執而戮之按左氏傳鄭駟歎殺鄧析而用其竹刑而云

子產戮之恐誤也

然而君子不貴者非禮義之中也盜跖吟口

名聲若日月與舜禹俱傳而不息然而君子不貴者非

禮義之中也

吟口吟咏長在人口也說苑作盜跖凶貪也

故君子行不貴苟

難說不貴苟察名不貴苟得唯其當之為貴詩曰物其

有矣唯其時矣此之謂也

詩小雅魚麗之篇言雖有物亦須得其時以喻當之為貴

君子易知而難狎

坦蕩蕩故易知不比黨故難狎

易懼而難脅

小心而志不可

奪也畏患而不避義死欲利而不為所非

心以為非則捨之

交親

而不比

親謂仁恩比謂睚眦

言辯而不辭

辯足以明事不至於騁辭

蕩蕩乎其

有以殊於世也

與俗人有異也

君子能亦好不能亦好小人能

亦醜不能亦醜君子能則寬容易直以開道人

道與不導同

能則恭敬縛紕以畏事人

縛與搏同紕與黹同謂自搏節貶損也

小人能

則倨傲僻違以驕溢人

滿溢

不能則妬嫉怨誹以傾覆人

故曰君子能則人榮學焉不能則人樂告之小人能則

人賤學焉不能則人羞告之是君子小人之分也也分異如

字君子寬而不侵侵與慢同廉而不剋剋利傷也說文云

廉隅不至於兩傷也辯而不爭察而不激但明察而寡立而不勝

堅彊而不暴雖寡立而不能勝柔從而不流恭敬謹慎

而容孤介也夫是之謂至文言德備也詩曰溫溫恭人維德

之基此之謂矣詩大雅抑之篇君子崇人之德揚人之

美非諂諛也正義直指舉人之過惡非毀疵也疵病也或曰讀

為言已之光美擬於禹舜參於天地非夸誕也與時屈

伸柔從若蒲葦非懾怯也蒲葦所以為剛彊猛毅靡所

不信非驕暴也信讀為仲下以義變應知當曲直故也

以義隨變而應其所當於曲直也詩曰左之左之君子宜之右之右之

君子有之此言君子之能以義屈伸變應也詩小雅裳

篇以能應變故左右無不得其宜也君子小人之反也與小人君子大心

則天而道小心則畏義而節於天而道謂合知則明通而

類類謂知愚則端慤而法愚謂無機智也見由則恭而

止由用也止謂不放縱也或見閉則敬而齊謂閉塞道

而齊謂自齊喜則和而理憂則靜而理皆當通則文而

明彰明也窮則約而詳明其約而詳小人則不然大心則

慢而暴小心則淫而傾以邪詬知則攫盜而漸漸進也

不知也愚則毒賊而亂毒害也愚而見由則兌而倨兌悅

喜於微幸而倨傲也見閉則怨而險怨上而喜則輕而黷輕謂輕

黷翻小飛也言小人之喜輕仇如小鳥之翾憂則挫而慄

通則驕而偏偏頗窮則弃而僂僂云濕優也字書無僂字韓

詩外傳作奔而累也傳曰君子兩進小人兩廢此之謂也君子治

治非治亂也曷謂耶曰禮義之謂治非禮義之謂亂也

故君子者治禮義者也非治非禮義者也然則國亂將

弗治與曰國亂而治之者非案亂而治之之謂也去亂

而被之以治案據也據舊亂而治之也苟人汙而修之

者人有汙穢之行將修為善非案汙而修之之謂也去汙而易之以

修故去亂而非治亂也去汙而非修汙也治之為名猶

曰君子為治而不為亂為修而不為汙矣治之名君子

挈其辯而同焉者合矣

挈修整也謂不煩雜

善其言而類焉者應

矣

出其言善千

故馬鳴而馬應之非知也其勢然也

知音

智

故新浴者振其衣新沐者彈其冠人之情也

言潔其身者懼

外物之汙也猶賢者必不受不善人之汙者也

其誰能以已之焦焦受人之域

域者哉

焦焦明察之貌也焦盡謂窮盡明於事易曰窮理盡性域當為感感悟也楚辭曰安能以身之

察察受物之悟悟者乎焦子靖反

君子養心莫善於誠

無姦詐則心常安也致誠

則無他事矣

致極也極其誠則外物不能言

唯仁之為守唯義之為行

致其誠

誠心守仁則形形則神神則能化矣

誠心守於仁愛則必

形見於外則下尊之如神誠心行義則理理則明明則

能變矣

義行則事有條理明而易人不敢欺故能變改其惡也

變化代興謂之天

德

既能變化則德同於天馴致於善謂之化改其舊質謂之變言始於化終於變也猶天道陰陽運行則為

化春生冬落則為變也

天不言而人推高焉地不言而人推厚焉

四時不言而百姓期焉

期謂知其時候

夫此有常以至其誠者

也

至極也天地四時所以有常如此者由極其誠所致

君子至德嘿然而喻未施

而親不怒而威

君子有至德所以嘿然不言而人自喻其意

夫此順命以慎

其獨者也

人所以順命如此者由慎其獨所致也慎其獨謂戒慎乎其所不睹恐懼乎其所不聞至

誠不欺故人也

善之為道者不誠則不獨

無至誠則不能慎其獨也

獨則不形

不能慎其獨故其德亦不能形見於外

不形則雖作於心見於

色出於言民猶若未從也雖從必疑

若如也無至誠故雖出令民猶如未

從者雖彊使之從亦必疑之也

天地為大矣不誠則不能化萬物聖人

為知矣不誠則不能化萬民父子為親矣不誠則疏君

上為尊矣不誠則卑

卑謂不為在下所尊

夫誠者君子之所守也

而政事之本也唯所居以其類至

所居所止也唯其所止至誠則以類自至

謂天地誠則能化萬物聖人誠則能化萬民父子誠則親君上誠則尊也

操之則得之舍之

則失之

持操

而得之

則輕

持至誠也

而得之

則易

舉

輕

則獨行

舉至誠而不難則

獨行

而不自行矣

而不舍

則濟

矣

至誠存

則濟

乎不己

濟而材

盡長遷而不反其初則化矣

既濟則材性自盡

中道不廢也

君子位尊而志恭

心小而道大

所聽視者近而

所聞見者遠

是何邪

是操術然也

謂以近知遠以今知古所持之術如此也

故千人萬人之情

一人之情是也

人情不相遠

天地始者今

日是也

百王之道

後王是也

後王當今之王言後王之道與百王不殊行堯舜則

亦是

君子審後王之道

而論於百王之前

若端拜而議

堯舜

端玄端朝服也端拜猶言端拱言君子審後王所宜施行之道而以百王之前比之若服玄端拜揖而議言其從容不勞也時人多言後世推禮義之統分是非之分澆漓難以為治故荀卿明之

上分如字下無問反分之使當其分揔天下之要治海內之衆若使一人

故操彌約而事彌大

約少也得其宗主也

五寸之矩盡天下之方

也

矩正方之器也

故君子不下室堂而海內之情舉積此者則

操術然也

舉皆也

有通士者有公士者有直士者有慤士

者有小人者上則能尊君下則能愛民物至而應事起

而辨若是則可謂通士矣

物有至則能應之事有疑則能辨之通者不滯之謂也

不下比以闇上不上同以疾下

闇上掩上之明也疾與嫉同

分爭於

中不以私害之若是則可謂公士矣

謂於事之中有分爭者不以私害之

則可謂公正之士也

身之所長上雖不知不以悖君

不怨君而違悖也

身

之所短上雖不知不以取賞

受祿不誣

長短不飾以情自竭

若是則可謂直士矣

不矜其長不掩其短但任直道而竭盡其情也

庸言必信

之庸行必慎之

庸常也謂言常慎

畏法流俗而不敢以其所

獨甚

法效也畏法流移之俗又不敢獨為君子也

若是則可

謂慤士矣

端慤不貳

言無常信行無常貞唯利所在無所不

傾利之所在皆傾意求之

若是則可謂小人矣公生明偏生闇端

慤生通詐偽生塞

多窮塞也

誠信生神

誠信至則通於神明中庸曰至誠如神

夸誕生惑

矜夸妄誕則貪惑於物

此六生者君子慎之而禹桀所

以分也

所以分賢愚也

欲惡取舍之權

舉下事也

見其可欲也則必

前後慮其可惡也者見其可利也則必前後慮其可害

也者而兼權之熟計之

權所以平輕重者熟甚也猶成熟也

然後定其欲

惡取舍如是則常不失陷矣凡人之患偏傷之也

偏謂見其

一見其可欲也則不慮其可惡也者見其可利也則不

顧其可害也者是以動則必陷為則必辱是偏傷之患

也人之所惡者吾亦惡之

言人欲惡之不公異於衆人也

夫富貴者則

類傲之

富貴之類不論是非皆傲之也

夫貧賤者則求柔之

見貧賤者皆柔屈就

之是非仁人之情也是姦人將以盜名於晦世者也險

莫大焉

姦人盜富貴貧賤之名於昏闇之世與暗同

故曰盜名不如盜貨田

仲史鱸不如盜也

田仲齊人處於陵不食兄祿辭富貴為人灌園號曰於陵仲子史鱸衛大

夫字子魚質直也

榮辱篇第四

橋泄者人之殃也

泄與濫同嫚也殃或為袂

恭儉者倂五六也

倂當為屏

却也說文有倂字倂寔也此義不同倂防正反

雖有戈矛之刺不如恭儉之

利也

言人深

故與人善言煖於布帛傷人之言深於矛戟

故薄薄之地不得履之非地不安也危足無所履者也

凡在言也

薄薄謂磅礴廣大之貌危足側足也凡皆也所以廣大之地側足無所容者皆由以言害也

身巨塗則讓小塗則殆雖欲不謹若云不使

殆近也凡行前遠而

後近故近者亦後之義謂行於道塗大道並行則讓之

小道可單行則後之若能用意如此雖欲為不謹敬若

有制物而不使之者儒行曰

快快而亡者怒也

肆其快意而亡

由於忿怒也

察察而殘者忤也

至明察而見傷殘者由於有忤害之心也

博而窮

者訾也

言辭辯博而見窮感訾也者由於於好毀訾也

清之而俞濁者口也

欲求其清

而俞濁者在口說之過謂言過其實也或曰潔其身則自清也但能口說斯俞濁也俞讀為愈

泰之而

俞瘠者交也

所交接非其道則必患難雖食芻豢而更瘠也故上篇云勞勩而容貌不枯好交也

辯而不說者爭也

不說不為人稱說或讀為悅

直立而不見知者勝

也

直立謂已直人曲勝謂好勝人

廉而不見貴者劇也

不見貴也

貪利則委曲求人故雖勇而不見憚信而不見

敬者好剽行也

剽與專同專行謂不度是非好復言如白公者也

此小人之所

務而君子之所不為也鬪者忘其身者也忘其親者也
忘其君者也行其少頃之怒而喪終身之軀然且為之
是忘其身也室家立殘親戚不免乎刑戮然且為之是
忘其親也

蓋當時禁鬪殺人之法戮及親戚尸子曰非人君之用兵也以為民傷鬪則以親戚殉一

言而不改之也

君上之所惡刑法之所大禁也然且為之是忘

其君也憂忘其身

遭憂患刑戮而不能保其身是憂忘其身也或曰當為下忘其身誤為憂

字

耳內忘其親上忘其君是刑法之所不赦也聖王之所

不畜也乳豕觸虎乳狗不遠遊不忘其親也小人憂忘

其身內忘其親上忘其君則是人也而曾狗彘之不若也凡鬪者必自以為是而以人為非也已誠是也人誠非也則是已君子而人小人也以君子與小人相賊害也憂以忘其身內以忘其親上以忘其君豈不過甚矣

哉是人也所謂以狐父之戈鑄牛矢也

時人舊有此語喻以貴而用於

賤也狐父地名史記伍員曰吳王兵敗于狐父徐廣曰梁碭之間也蓋其地名戈其說未聞管子曰蚩尤爲雍狐之戰狐父之戈豈近此耶鑄刺也之欲反將以為古良劍謂之屬鏐亦取其刺也或讀鏐為所

智耶則愚莫大焉將以為利耶則害莫大焉將以為榮

耶則辱莫大焉將以為安耶則危莫大焉人之有鬪何

哉我欲屬之狂惑疾病也則不可聖王又誅之

屬託也之欲反

我欲屬之鳥鼠禽獸耶則不可其形體又人而好惡多

同

視其形體則又人也其好惡多與賢人同但好鬪為異耳

人之有鬪何哉我甚醜

之

其禍如此何為鬪也

有狗彘之勇者有賈盜之勇者

狗彘勇於求食賈盜

勇於求利賈音古

有小人之勇者有士君子之勇者

小人勇於暴士君子

勇於義言人此數勇也

爭飲食無廉恥不知是非不辟死傷不畏

衆彊忤忤然唯利飲食之見是狗彘之勇也

辟讀為避忤忤愛欲

之貌方言云忤愛也宋魯之間曰牟

為事利

為事及利也為于偽反

爭貨財無辭讓

果敢而振猛貪而利忤忤然唯利之見是賈盜之勇也

振動也庚申背也春秋公羊傳曰蔡丘之會桓公振而矜之何休云亢陽之貌也

輕死而暴是

小人之勇也義之所在不傾於權不顧其利舉國而與

之不為改視重死持義而不撓是士君子之勇也

雖重愛其

死而執節持義不撓曲以苟生也儒行曰愛其死以有待也

儵鮒者浮陽之魚也

魚名浮陽謂此魚好浮於水上就陽也今字書無鮒字蓋當作鮒說文云即鮪鮪鮒字蓋儵魚一名儵鮒莊

子與患子遊於豪梁之上儵魚出遊是浮陽之義或曰浮陽勃海縣名也儵音稠鮒布末反

怯於沙

而思水則無逮矣

祛與祛同楊子方言云祛去也齊趙之總語去於沙謂失水去在沙上也

莊子有祛籬篇亦取去之義

挂於患而欲謹則無益矣

人亦猶魚也

自知

者不怨人知命者不怨天怨人者窮

徒憤怨於人不同修者則窮迫無所

出怨天者無志

有志之士但自修身遇與不遇皆歸於命故不怨天

失之已反之

人豈不亦迂哉

過失也反責人也

榮辱之大分安危利害之常

體先義而後利者榮先利而後義者辱榮者常通辱者

常窮通者常制人窮者常制於人

受制於人

是榮辱之大分

也

其中雖未必皆然然其大分如此矣

材慤者常安利蕩悍者常危害

材慤

謂材性愿慤也蕩悍已解於修身篇

安利者常樂易危害者常憂險

樂易歡樂

平易也詩所謂愷悌者也

樂易者常壽長憂險者常夭折是安危利

害之常體也

亦大率如此

夫天生烝民有所以取之

言天生衆民其

君臣上下職業皆有取之

志意致脩德行致厚智慮致

明是天子之所以取天下也

致極也言如此是乃天子之所以取天下之道也

政令法舉措時聽斷公

當為政令法或曰政當為正舉措時謂興力役不奪農時也

上則能順天子之命下則能保百姓是諸侯之所以取

國家也志行脩臨官治上則能順上下則能保職是士

大夫之所以取田邑也脩法則度量刑辟圖籍

度丈尺量斗斛

刑法之書左氏傳曰先王議事以制不為刑辟圖謂摸寫土地之形籍謂書其戶口之數也

不知其

義謹守其數慎不敢損益也

若制

父子相傳以持王公

世傳法則所以保持王公言王公賴之所為治也

是故三代雖亡治法猶存是

官人百吏之所以取祿秩也孝悌原慤錄疾力以敦

比其事業而不敢怠傲是庶人之所以取煖衣飽食長

生久視以免於刑戮也

勑與拘同拘錄謂自檢束也疾力謂速力而作也敦厚也比親

也言不敢怠惰也

飾邪說文姦言為倚事

倚已解上倚事怪異之事

陶誕突

盜

陶當為禱杌之禱頑嚚之貌突凌突惕悍憍暴惕與不順也或曰陶當為逃隱匿其情也

以偷生反側於亂世之間是姦人之所以取危辱死刑

也其慮之不深其擇之不謹其定取舍楮慢是其所以

危也

小所以危亡由於計慮之失也楮惡也謂不堅固材性知能君子小人一

也好榮惡辱好利惡害是君子小人之所同也若其所

以求之道則異矣小人也者疾為誕而欲人之信已

也疾為詐而欲人之親已也禽獸之行而欲人之善已

也慮之難知也行之難安也持之難立也

慮之難知謂人難測其姦

詐行之難安言易顛覆也持之難立謂難扶持之也

成則必不得其所好必過其

所惡焉

雖使姦詐得成亦必有禍無福

故君子者信矣而亦欲人之信

已也忠矣而亦欲人之親已也脩正治辨矣而亦欲人

之善已也慮之易知也行之易安也持之易立也成則

必得其所好必不過其所惡焉是故窮則不隱通則大

明

不隱謂人不能蔽隱

身死而名彌白

白彰明也

小人莫不延頸舉踵

而願曰知慮材性固有似賢人也

願猶慕也賢人謂賢過於人也

夫不

知其與已無以異也則君子注錯之當而小人注錯之

過也

注錯謂所注意錯履也亦與措智同義也

故熟察小人之知能足以知

其有餘可以爲君子之所爲也譬之越人安越楚人安

楚君子安雅

雅正也而有美德者謂之雅詩曰弁彼鸞斯歸飛提提鸞斯雅鳥也

是非知

能材性然也是注錯習俗之節異也

習俗謂所習風俗節限之制也

仁

義德行常安之術也然而未必不危也汙慢突盜常危

之術也然而未必不安也

慢當爲漫漫亦汙也水冒物謂之漫漫莊子云此人無擇曰

舜以其辱行漫我漫莫半反莊子又曰澶漫爲樂崔云淫術也李云縱逸也一曰漫欺枉之也故曰君

子道其常而小人道其怪

道語謂非常之事取以自比也

凡人有所一

同飢而欲食寒而欲煖勞而欲息好利而惡害是人之
所生而有也是無待而然者也是禹桀之所同也目辨
白黑美惡耳辨音聲清濁口辨鹹酸甘苦鼻辨芬芳腥
臊骨體膚理辨寒暑疾養

膚理肌膚之文
理養與瘡同

是又人之所

常生而有也是無待而然者也是禹桀之所同也可以
為堯禹可以為桀跖可以為工匠可以為農賈在勢注
錯習俗之所積耳

在所積習

是又人之所生而有也是無待

而然者也是禹桀之所同也為堯禹則常安桀為桀跖

則常危辱為堯禹則常愉佚為工匠農賈則常煩勞然

而人力為此而寡為彼何也曰陋也

言人不為彼堯禹而為此桀跖由於

性之固陋者也

堯禹者非生而具者也夫起於變故成乎脩脩

之為待盡而後備者也

變故患難事故也言堯禹起於憂患成於脩飾由於待盡初理

然後乃能備之孟子曰天將降大任於是人也必先苦其心志勞其筋骨餓其

體膚空乏其身行拂亂其所

為所以動心忍性增益其所不能然後知生於憂患而死於安樂為于偽反

人之生固小人無

師無法則惟利之見耳人之生固小人又以遇亂世得

亂俗是以小重小也以亂得亂也君子非得勢以臨之

則無由得開內焉

開小人之心中而為善道也

今是人之口腹安知禮

義安知辭讓安知廉恥

隅積

言口腹無所知隅二隅謂其分也積積習

亦

咄而噍鄉鄉而飽已矣

咄咄噍噍貌汝鹽反噍噍也才人笑反鄉鄉趨飲食貌許諒反

無師無法則其心正其口腹也

人不學則心正如口腹之欲也

今使人

生而未嘗睹芻豢稻粱也惟菽藿糟糠之為睹則以至

足為在此也俄而粢然有秉芻豢稻粱而至者則瞠然

視之曰此何怪也

粢精粢貌牛羊曰芻犬豕曰豢豢圈也以穀食於圈中瞠然驚視貌與猶

同禮記曰故鳥不猶許事反

彼臭之而無嫌於鼻

臭許又反嫌當為嫌厭也苦康反或

下忝反嘗之而甘於口食之而安於體則莫不弃此而取

彼矣今以夫先王之道仁義之統以相羣居以相持養

以相藩飾以相安固邪

持養保養也藩飾蕃蔽文飾也

以夫桀跖之道

是其為相縣也幾直夫芻豢之縣糟糠爾哉

言以先王之道與桀

跖相縣豈止糟糠比芻豢哉幾讀為豈下同

然而人力為此而寡為彼何也

曰陋也陋也者天下之公患也

此公共有此患也人之大殃大害

也故曰人者好告示人告之示之靡之儼之鈐之重之

靡順從也儼疾也火緣反靡之儼之猶言緩之急之也鈐與沿同循也撫循之申重之也則夫塞者

俄且通也陋者俄且憫也愚者俄且知也

憫與憫同猛也方言云晉

魏之間謂猛為個陋者俄且憫言鄙陋之人俄且矜是莊有威儀也詩曰瑟兮憫兮鄭云個寬大也下反

若不行則湯武在上曷益桀紂在上曷損

若不行告示之道則湯武

何益於天下桀紂何損於百姓所以貴湯武賤桀紂以行與不行耳

湯武存則天下從而

治桀紂存則天下從而亂如是者豈非人之情固可與

如此可與如彼也哉人之情食欲有芻豢衣欲有文繡

行欲有輿馬又欲夫餘財蓄積之富也

皆人之然也所貴也然而窮

年累世不知不足是人之情也

不知不足當為不知足判不字或曰不足猶不

得也今人之生也方多蓄雞狗猪彘又蓄牛羊然而食不

敢有酒肉餘刀布有困窳

刀布皆錢也刀取其利布取其廣困窳也

窳害也地藏曰害窳匹說反

然而衣不敢有絲帛約者有筐篋之藏

然而行不敢有輿馬

約儉嗇也筐篋藏布帛者也言又富於餘刀布也

是何也

非不欲也幾不長慮顧後而恐無以繼之故也於是又

節用御欲

御制也或作禦止也

收歛蓄藏以繼之也是於已長慮

顧後幾不甚善矣哉

幾亦讀為豈

今夫偷生淺知之屬曾此

而不知也

偷苟且也

糧食大侈不顧其後俄則屈安窮矣

讀大

為太屈竭也安語助也猶言屈然窮矣安已解前

是其所以不免於凍餓操瓢

囊為溝壑中瘠者也

乞食羸瘦於溝壑者言不知久遠生業故至於此也

况夫先

王之道仁義之統詩書禮樂之分乎

為生業尚不能知况能知其遠大者

分制也扶間反

彼固天下之大慮也將為天下生民之屬長慮

顧後而保萬世也其汙長矣其溫厚矣其功盛姚遠矣

汙古流字溫猶足也言先王之道於生人其為溫足也亦厚矣姚與遙同言功業之盛甚長遠也

非熟

脩為之君子莫之能知也

熟甚也甚脩飾作為之君子也

故曰短綆不

可以汲深井之泉知不幾者不可與及聖人之言

綆索也幾

近也謂不近於習也

夫詩書禮樂之分固非庸人之所知也故曰

一之而可再也

既知一則務之二

有之而可久也

不可中廢廣之

而可通也

知禮樂廣博則於事可通

慮之而可安也

思慮禮樂則無危懼

反鈎

察之而俞可好也

鈎與訟同循也既知禮樂之後却以循察之愈可好而不厭俞音愈

治情則利

利益也禮記曰故聖王所以治人之情修十義捨禮何以治之

以為名則

榮以羣則和以獨則足

知詩書禮樂羣居則和同獨處則自足

樂意者其

是耶

樂意莫過於此

夫貴為天子富有天下是人情之所同欲

也然則從人之欲則勢不能容物不能贍也故先王業

為之制禮義以分之

以禮義分別上下也

使有貴賤之等長幼之

差知賢愚能不能之分皆使人載其事而各得其宜

行載

也任之也

然後使慈祿多少厚薄之稱

慈實也謂實其祿使當其才稱尺證反

是夫羣居和一之道也故仁人在上則農以力盡田賈

以察盡財百工以巧盡械器

盡謂精於事察謂明其盈虛說文云有威為械無威

為器士大夫以上至於公侯莫不以仁厚知能盡官職夫

是之謂至乎

各當其分雖貴賤不同然謂之至平也

故或祿天下而不自

以為多

謂為天子天下為祿也

或監門御旅抱關擊柝而不自以

為寡

擊監門主門也

御讀為逆逆旅逆旅也抱關門卒也

為寡

故曰斬而齊枉而順不同而一夫是之謂人倫舊

此語引以喻貴賤雖不同不以齊一然而要歸於治也

斬而齊謂彊斬之使齊若漢書之一切者枉而順雖枉

曲不直然而歸於順也人之倫理也詩曰受小共大共

為下國駿蒙此之謂也

詩殷頌長發之篇共執也駿大

言湯執小邦大王大厚於

荀子卷二

欽定四庫全書

子部

荀子卷

三至
六

詳校官侍讀學士臣沈咸熙

編修臣程嘉謨覆勘

覆校官中書臣呂雲棟

校對官中書臣袁文邵

謄錄監生臣席大賓

欽定四庫全書

荀子卷三

唐楊倞註

非相篇第五

相視也視其骨狀以知吉凶貴賤也妄誕者多以此惑世時人或矜其狀貌而忽於

務實故荀卿作此篇非之漢書刑法家有相人二十四篇

相人古之人無有也學者不道也道說古者有姑布子卿

姑布姓子卿名相趙襄子者或本無姑字今之世梁有唐舉相李斯蔡澤者相人之

形狀顏色而知其吉凶妖祥世俗稱之古之人無有也

學者不道也載三言者深非之也故相形不如論心論心不如擇

術

術道也

形不勝心心不勝術術正而心順之則形相雖

惡而心術善無害為君子也形相雖善而心術惡無害

為小人也君子之謂吉小人之謂凶故長短小大善惡

形相非吉凶也古之人無有也學者不道也蓋帝堯長

帝舜短丈王長周公短仲尼長子弓短

子弓蓋仲弓也言子者著其為

師也漢書儒林傳驂臂字子弓江東人受易者也然驂臂傳易之外更無所聞荀卿子論說常與仲尼相配必

非驂臂也驂音寒

昔者衛靈公有臣曰公孫呂身長七尺面長

三尺焉廣三寸鼻目耳具而名動天下

面長三尺廣三寸言其狹而長

甚也鼻目耳雖皆具而相去踈遠所以為異名動天下言天下皆知其賢或曰狹長如此不近人情恐文句誤

也楚之孫叔敖期思之鄙人也杜元凱云期思楚邑名今弋陽期思縣鄙人郊

野之突禿長左軒較之下而以楚霸突謂短髮可凌突人也

劍士蓬頭突鬢長左左腳長也軒較之下而以楚霸言修文德不勞甲兵遠征伐也說文云軒曲輶也鄭注考

工記云較兩輶較上出式者詩曰猗重較兮葉公子高徵小短瘠行若將不

勝其衣葉公楚大夫沈尹氏之子食邑於葉名諸梁字子高楚僭稱王其大夫稱公白公亦是也微細

也葉然白公之亂也令尹子西司馬子期皆死焉白公楚太子

子建之子平王之孫子西楚平王長葉公子高入據楚

誅白公定楚國如反手耳仁義功名善於後世故事不

揣長不揆大不權輕重亦將志乎心耳

揆與絮同約也謂約計其大小

也絮戶結反莊子匠石見櫟社樹絮之百圍權稱也輕重體之輕重也言不論形狀長短大小肥瘠唯在志意

修飾長短小大美惡形相豈論也哉且徐偃王之狀目

可瞻焉

徐國名偕稱王其狀偃仰而不能俯故謂之偃王周穆王使楚誅之瞻焉言不能俯視細物遠望

纔見焉尸子曰徐偃王有筋而無骨仲尼之狀面如蒙俱

俱方相也其首蒙茸然故曰蒙

俱子虛賦曰蒙公先驅韓侍郎云四目為方相兩目為俱俱音欺慎子曰毛嬙西施天下之至姣也衣之以皮

俱則見之周公之狀身如斷菑

爾雅云木立死曰梟梟與菑同臯陶之

狀色如削瓜

如削去皮之瓜青綠色

閔天之狀面無見膚

閔天文王臣在

十亂之中言多鬢髯蔽其膚

傳說之狀身如植鰭

植立也如魚之立也

伊尹之

狀面無須麋

康與眉同

禹跳湯偏

尹子曰禹之勞十年不窺其家手不爪脛不生毛偏

枯之病步不相過人曰禹步鄭注尚書大傳湯半體枯呂氏春秋曰禹通水濬川顏色黎黑步不相過也堯

舜參牟子

牟與眸同參牟子謂有二瞳之相參也史記曰舜目重瞳重瞳蓋堯亦然尹子曰舜兩眸

子是謂重明作事成法出言成章當時傳聞今書傳亦難盡詳究所出矣從者將論志意比

類文學邪直將差長短辨美惡而相欺傲邪

從者荀卿門人問將

論志意文學耶但以好醜相欺傲也

古者桀紂長巨姦美天下之傑也筋

力越勁百人之敵也

姣好也倍萬人曰傑越過人也勁勇也

然而身死國

亡為天下大僂後世言惡則必稽焉

僂與戮同稽考也後世言惡必考桀

紂為證

是非容貌之患也聞見之不衆論議之卑爾

亦非以容

貌害身言美惡皆非所患但聞見不廣議論不高故致禍耳

今世俗之亂君鄉曲之

儇子

方言云儇疾也又曰慧也與喜而翾義同輕薄巧慧之子也儇火玄反

莫不美麗姚

冶奇衣婦飾血氣態度擬於女子

說文曰姚美好貌治妖奇衣珍異之衣婦

飾謂婦人之飾言輕細也擬於女子言柔弱便辟也

婦人莫不願得以為夫處女

莫不願得以為士

士者未娶妻之稱易曰老婦得其士夫

弃其親家而欲

奔之者比肩並起然而中君羞以為臣中父羞以為子

中兄羞以為弟中人羞以為友

不必上智皆知惡也

俄則東乎有

司而戮乎大市

犯刑法為有司所束縛也

莫不呼天啼哭苦傷其今

而後悔其始

苦傷今之刑戮悔其始之所為

是非容貌之患也聞見之

不衆論議之卑爾然則從者將孰可也

問從者形相與志意孰為益乎

人有三不祥幼而不肯事長賤而不肯事貴不肖而不

肯事賢是人之三不祥也

言必有禍災也

人有三必窮為上則

不能愛下為下則好非其上是人之一必窮也鄉則不

若僭則謾之是人之二必窮也

鄉讀為向若如也謾欺毀也莫于反知行

淺薄曲直有以縣矣然而仁人不能推知士不能明是

人之三必窮也

曲直猶能否也言智慮德行至淺薄其能否與人又相懸遠不能推讓明白之

言不知已之不及也知音智行下孟反縣讀為懸

人有此三數行者以為上則

必危為下則必滅詩曰雨雪瀼瀼見晁聿消莫肯下遺

式居婁驕此之謂也

詩小雅角弓之篇今詩作見晁曰消蓋聲之誤耳晁日氣也遺讀為

隨婁飲也言雨雪瀼瀼然見日氣自消喻欲為善則惡自消矣幽王曾莫肯下隨於人用此居處欲其驕慢之

過人之所以為人者何已也已與人而貴於禽獸謂曰以

其有辨也

辨別也

饑而欲食寒而欲煖勞而欲息好利而

惡害是人之所生而有也是無待而然者也

不待學而知

是

禹桀之所同也然則人之所以為人者非特二足無毛

也以其有辨也今夫猩猩形笑亦二足而毛也

猩猩獸似人而

能言出交趾形笑者能言笑也

然而君子啜其羹食其馘

馘無辨也禽獸

食之馘測吏反

故人之所以為人者非特以其二足而無毛也

以其有辨也夫禽獸為父子而無父子之親有牝牡而

無男女之別故人道莫不有辨辨莫大於分

有上下親疎之分也

分莫大於禮

分生於禮也

禮莫大於聖王

聖王則制禮者言其人存其政舉

聖王有百吾孰法焉

問聖王至多誰可為法

故曰文久而息節族

久而絕

文禮文節制度也言禮文久則制度滅息宗族久則廢也

守法數之有司極

禮而禡

禡亦下脫也易曰或錫之鞶帶終朝三褫之言此

者以喻久遠難詳不如隨時興治禡直吏反

故曰欲觀聖王之跡則於其粲

然者矣後王是也

後王近時之王也粲然明白之貌言近世明王之法則是聖人之跡也夫

禮法所興以救當世之急故隨時設教不必獨拘於舊聞而時人以為君必用堯舜之道臣必行禹稷之術然

後可斯惑矣孔子曰殷因於夏禮所損益可知也故荀卿深陳以後王為法而審其所貴君子焉司馬遷曰法

後王者以其近已而俗相類識卑而易行彼後王者天下之君也舍後王而

道上古譬之是猶舍已之君而事人之君也故曰欲觀

千歲則審今日欲知億萬則審一二欲知上世則審周

道欲知周道則審其所貴君子謂已之君也審謂詳觀其道也故曰

以近知遠以一知萬以微知明此之謂也夫妄人曰古

今異情以其治亂者異道而衆人惑焉彼衆人者愚而

無說陋而無度者也言其愚陋而不能辯說測度度徒洛反下同其所見焉

猶可欺也而況於千世之傳也傳傳聞也妄人者門庭之間

猶可誣欺焉而況於千世之上乎聖人何以不欺曰聖

人者以已度者也以已意度古人之意古人不欺人也故以人度人

以情度情以今之人情度古之人情既云欲惡皆同豈其治亂有異也以類度類類

類謂若牛馬也以說度功以言說度其功業也以道觀盡以道觀盡物之理儒效篇曰塗

之百姓積善而全古今一度也古今不殊盡可以此度彼安在其古今異情乎

類不悖雖久同理言種類不乖悖雖久而理同今之故牛馬與古不殊何至人而獨異哉

鄉于邪曲而不迷觀乎雜物而不惑以此度之以測度

之故向於邪曲不正之道而不惑鄉讀為向五帝之外無傳人外謂已前

也無傳人謂其人非無賢人也久故也五帝之中無傳事跡後世無傳者

久故也中間也五帝少禹湯有傳政而不若周之察也

非無善政也久故也傳者久則論略近則論詳略則舉

大詳則舉小略謂舉其大綱詳周備也愚者聞其略而不知其詳聞

其詳而不知其大也惟聖賢乃能以略知詳以小知大也是以文久而滅

節奏久而絕凡言不合先王不順禮義謂之姦言雖辯

君子不聽公孫龍惠施鄧析之屬也法先王順禮義黨學者黨親比也然

而不好言不樂言則必非誠士也言講說也誠士謂至誠好善之士故

君子之於言也志好之行安之樂言之故君子必辯

辯謂

能談說也

凡人莫不好言其所善而君子爲甚

所善謂已所好尚也

故

贈人以言重於金石珠玉觀人以言美於黼黻文章

觀人

以言謂使人觀其言黼黻文章皆色之美者白與黑謂之黼黑與青謂之黻青與赤謂之文赤與白謂之章

聽人之言樂於鐘鼓琴瑟

使人聽其言

故君子之於言無厭

無厭倦

鄙夫反是好其實不恤其文

但好其質而不知文飾若墨子之屬是

以終身不免埤汙傭俗

埤汙皆下也謂鄙陋也埤與庳音同渚水處謂之汙亦地之下

者也汙一孤反

故易曰括囊無咎無譽腐儒之謂也

腐儒如朽腐之物無

所用也引易以凡說之難以至高遇至卑以至治接至

亂以先王之至高至治之道說末世至未可直至也遠

舉則病繆近世則病傭未可直至言必在援引古今也

近世之事則患傭鄙也善者於是間也亦必遠舉而不繆近世而

不傭與時遷徙與世偃仰緩急羸絀羸餘也羸絀猶言伸屈也府然

若渠堰槩括之於已也府與傭同就物之貌或讀為附渠堰所以制水槩括所以制木

君子制人亦猶此也曲得所謂焉然而不折傷言諛說委曲皆得其意之所謂然而

不折傷其道也故君子之度已則以繩接人則用拙拙牽引也

度已猶正

已也君子正已則以繩墨接人則牽引而致之言正已而馴致人也或曰拙當為棧拙揖也言如以揖擢進舟船也度大各反拙以世反韓侍郎度已以繩故足以為云世者繫拙也匡弓弩之器也

天下法則矣接人用拙故能寬容因求以成天下之大

事矣

成事在衆

故君子賢而能容罷

罷弱不任事者音疲

知而能容愚

博而能容淺粹而能容雜夫是之謂兼

術粹專一也兼術兼容之法

詩曰徐方既同天子之功此之謂也

詩大雅常武之篇言君子容物亦猶

天子之同徐方也

談說之術齊莊以涖之端誠以處之堅彊以

持之分別以喻之譬稱以明之欣驩芬鄉以送之寶之

珍之貴之神之如是則說常無不受

言談說之法如此人乃信之分蘇言

至芳潔也神之謂自神異其說不敢慢也說音梳稱尺證反蘇與香同

雖不說人人莫不

貴

不說猶貴況其說之

夫是之謂為能貴其所貴

不使人賤之也

傳曰唯

君子為能貴其所貴此之謂也君子必辯凡人莫不好

言其所善

所善謂所好也

而君子為甚焉是以小人辯言險而

君子辯言仁也

仁謂忠愛之道

言而非仁之中也則其言不若

其默也其辯不若訥也

訥與訥同或引禮記其言訥然非言而仁之中

也則好言者上矣不好言者下也故仁言大矣起於上

所以道於下正令是也

正道與導同正或爲政

起於上所以忠於上

謀救是也

謀救謂嘉謀匡救此言談說之益不可以已如是也

故君子之行仁也

無厭

無厭倦時

志好之行安之樂言之故言

此所以好言說由此三者行如字

君子必辯小辯不如見端

端首

見端不如見本

分貴賤之分上下

分小辯謂辨說小事則不如見端首見端首

小辯而察

則不如見本分言辨說止於知本分而已

此言能辨說然後聖

見端而明本分而理聖人君子之分具矣

賢之分具有小人之辯者有士君子之辯者有聖人之辯者

不先慮不早謀發之而當成文而類

言暗與理會成文理而不失其類謂

不乖悖也

居錯遷徙應變不窮

居錯也居錯安也錯于故反

是聖人之辯

者也先慮之早謀之斯須之言而足聽

斯須發言已可聽也

文而

致實博而黨正是士君子之辯也

文謂辯說之辭致至也黨與譴同謂直言

也凡辯則失於虛詐博則失於流蕩故致實黨正為重也

聽其言則辭辯而無統

無根

本也用其身則多詐而無功上不足以順明王下不足以

和齊百姓然而口舌之均瞻唯則節

蓋謂騁其口舌之辯也瞻唯則節四

字未詳或刺少錯誤耳

足以為奇偉偃却之屬

奇偉誇大也偃却猶偃仰即偃蹇也

言姦雄口辯適足以自誇大偃蹇而已

夫是之謂姦人之雄聖王起所以

先誅也然後盜賊次之盜賊得變此不得變也

變謂教之使自

新也

非十二子篇第六

假今之世

假如今之世也或曰假借也今之世謂戰國

亂世以

惑衆也飾邪說文姦言以梟亂天下

梟與鵠同欺惑愚衆

宇嵬瑣

也放蕩恢大也嵬謂為狂險之行也瑣者謂為

姦細之行也說文云嵬高不平也今此言嵬者其行狂

險亦猶山之高不平也周禮大司樂云大嵬裁則去樂

鄭云嵬猶怪也晏子春秋曰不以上為本不以民為憂

內不恤其家外不顧其游夸言嵬行自謹於飢寒命之

曰狂僻之民明上之所禁也。鬼當使天下混然不知是與。僞義同音五，每反。又牛彼反。

非治亂之所存者有人矣。混然無分別縱情性安恣睢。

禽獸之行。義則與禽獸無異。故曰禽獸行。睢，香卓反。不

足以合文通治。文義通於治道。然而其持之有故，其言

之成理足以欺惑愚衆。妄稱古之人亦有如此者。故曰

故曰言之成理足是它囂魏牟也。它，楚平王孫有田公。世

以欺惑愚衆也。它成豈同族乎？韓詩外傳作范。魏牟，魏公子封於中

山。漢書藝文志：道家有公子牟四篇。班固曰：先在莊子。莊子稱之。今莊子有公子牟稱莊子之言，以折公孫龍

據，即與莊子同時也。又列子稱公子牟解公孫龍之言。

公孫龍平原君之客而張湛以為文侯子據年代非也說苑曰公子牟東行攘侯送之未知何者為定也忍

情性暴谿利跂

忍謂違驕其性也暴谿未詳蓋與跂義同也利與離同離跂違俗自絜之貌謂

離於物而跂足也莊子曰楊墨乃始荀以分異人為高

荀求分異不同於人以為高行也

不足以合大衆明大分

既求分異則不足合大衆

苟立小節故不足明大分大分謂忠孝之大義也

然而其持之有故其言之成

理足以欺惑愚衆是陳仲史鮪也

已解

不知壹天下建

國家之權稱

不知齊一天下建立國家之權稱言不知輕重稱尺證反

上功用大儉

約而僂差等

功用功也僂輕也輕僂差等謂欲使君臣過儉約也僂輕也輕僂差等謂欲使君臣

上下同勞苦也

曾不足以容辨異縣君臣

上下同等則其中不容分別而懸隔君臣

也

然而其持之有故其言之成理足以欺惑愚衆是墨

翟宋鉞也

宋鉞宋人與孟子尹文子彭蒙慎到

尚法而

無法下修而好作

尚上也言所著書雖以法為上而自無法以修立為下而好作偽言自相

矛盾

上則取聽於上下則取從於俗

言苟順上

終日言

成文典及紉察之則倜然無所歸宿

紉與循同倜然疎遠貌宿止也雖言

成文典若反覆制察則疎遠無所歸也

不可以經國定分

取聽於上取從於俗故法度不

也然而其持之有故其言之成理足以欺惑愚衆是慎

到田駢也

田駢齊人也遊稷下著書十五篇其學本黃老大歸名法慎到已解上

不法先

王不是禮義

不以禮義為是

而好治怪說玩琦辯

玩與詭同琦讀為奇異之

奇

甚察而不惠

惠順

辨而無用多事而寡功不可以為治

綱紀然而其持之有故其言之成理足以欺惑愚衆是

惠施鄧析也略法先王而不知其統

言其大略雖法先王而不知體統

謂也猶然而材劇志大聞見雜博

猶然舒遲貌禮記曰君子蓋猶猶爾劇繁

多案往舊造說謂之五行

案前古之事而白造其說謂之五行五常仁義禮智

也是甚僻違而無類幽隱而無說閉約而無解

約結也解說也

僻違無類謂乖僻違戾而不知善類也幽隱無說閉約
無解謂其言幽隱閉結而不能自解說謂但言堯舜之
道而不知其興作方略也荀卿常言法後王治當世而
孟軻子思以為必行堯舜文武之道然後為治不知隨
時設教救當世之弊故言僻違無類孟
子曰管仲曾西之所不為解佳買反案飾其辭而祇

敬之曰此真先君子之言也

言自敬其辭說先君子也

子思唱之

孟軻和之

子思孔子之孫名伋字子思孟軻鄒人字子與皆著書七篇

世俗之溝猶

瞽儒嚙嚙然不知其所非也

溝讀為拘拘愚也猶猶豫不定之貌瞽儒暗也漢書

五行志作區瞽與此義同嚙嚙喧

遂受而傳之以為仲

尼子游為茲厚於後世

仲尼子游為此言是則子思孟垂德厚於後世也

軻之罪也若夫總方略齊言行壹統類而羣天下之英

傑而告之以太古教之以至順

總領也統謂綱紀類謂比類大謂之統分別謂

之類羣會合也

奧窔之間葦席之上歛然聖王之文章具焉佛

然平世之俗起焉

西南隅謂之奧東南隅謂之窔言不出堂室之內也歛然聚集之貌佛讀

為勃勃然興起貌窔一弔反

則六說者不能入也十二子者不能親

也無置錐之地而王公不能與之爭名在一大夫之位

則一君不能獨畜一國不能獨容

言王者之佐雖在下位非諸侯所能畜一

國所能容或曰時君不知其賢無一君一國能畜者故仲尼所至輕去也

成名況乎諸侯莫

不願以為臣

況此也言其所成之名比況於人莫與為偶故諸侯莫不願得以為臣或曰既成名

之後則王者之輔佐也況諸侯莫不願得以為臣乎末知其賢則無國能容也或曰況猶益也國語驪姬曰衆

之況厚

是聖人之不得勢者也仲尼子弓是也一天下財

萬物

財與裁同

養長生民兼利天下通達之屬莫不服從通

之屬謂舟車所至人力所通者也

六說者立息十二子者遷化

遷而從化則

聖人之得勢者舜禹是也今夫仁人也將何務哉上則法舜禹之制下則法仲尼子弓之義以務息十二子之說如是則天下之害除仁人之事畢聖王之跡著矣信

信信也疑疑亦信也

信可信者疑可疑者意雖不同皆歸於信

貴賢仁也賤

不肖亦仁也言而當知也默而當亦知也故知默猶知

言也

論語曰知之為知之不知是知也當丁浪反

故多言而類聖人也少

言而法君子也

言雖多而不流洹皆類於禮義是聖人制作者也少言而法謂不敢自造言說

所言皆守典法也

多少無法而流洹然雖辯小人也

洹沉也流返

沈者不復出也

故勞力而不當民務謂之姦事

民務四者勞知而

不律先王謂之姦心

法律辯說譬諭齊給便利而不順禮

義謂之姦說

齊疾也給急也便利也亦謂言辭敏捷也

此三姦者聖王之所

禁也知而險賊而神

用智於險又賊害不測如神也

為詐而巧巧於詐言

無用而辯

言辯而無用也

辯不惠而察

惠順也辭辯不順道理不聰察也

治之

大殃也行辟而堅

辟讀為僻

飾非而好

好飾非也

玩姦而澤

玩與同

習姦而使有潤澤也

言辯而逆古之大禁也

逆者乖於常理

知而無法

其騁

異見也知如字

勇而無憚

輕死

察辯而操僻淫

為察察之辯而操持淫僻之事操七

刀大而用之

以前數事為大而用之也

好姦而與衆

好姦而與衆人共之謂使人同

之利足而迷

苟求利足而迷惑不顧禍患也

負石而墜

謂申徒狄負石投河言好名以

至此也亦利足是天下之所弃也兼服天下之心高上而迷者之類也

尊貴不以驕人

在貴位不驕人

聰明聖智不以窮人齊給速通

不爭先人剛毅勇敢不以傷人不知則問不能則學雖

能必讓然後為德

然後為聖賢之德也

遇君則脩臣下之義遇鄉

則脩長幼之義

在鄉黨之中也

遇長則脩子弟之義遇友則脩

禮節辭讓之義遇賤而少者則脩告導寬容之義無不

愛也無不敬也無與人爭也恢然如天地之苞萬物如

是則賢者貴之不肖者親之如是而不服者則可謂詿

怪狡猾之人矣

詿與妖同

雖厠子弟之中刑及之而宜

妖怪狡猾

之人雖在家人子弟之中詩云匪上帝不時殷不用舊亦宜刑戮及之況公法乎

雖無老成人尚有典刑曾是莫聽大命以傾此之謂也

詩大雅蕩之篇鄭云老成人伊尹伊陟臣扈之屬也典刑常事故法也古之所謂士仕者

厚敦者也合羣者也士仕謂士之入仕也樂富貴者也其

道樂分施者也施或所遠罪過者也遠于務事理者也

有條理事羞獨富者也使人足也今之所謂士仕者汙漫者

也賊亂者也汙漫已解恣睢者也恣睢已貪利者也觸

抵者也恃權勢而忤人無禮義而唯權勢之嗜者也古之所謂

處士者德盛者也能靜者也

處士不仕者也易曰或出或處能靜謂安時處順也

脩正者也知命者也著是者也

明著其時是之事不使人疑其姦詐也今

之所謂處士者無能而云能者也

云能自言其能也慎子曰動而害能則亂

也云能而害無能則亂也蓋戰國時以言能為云能當時之語也

無知而云知者也利

心無足而佯無欲者也

好利不知足而詐為無欲者也

行偽險穢而彊

高言謹慤者也以不俗為俗

以不合俗人為不俗也

離蹤而跂訾

者也

訾讀為恣離蹤謂離於俗而放蹤跂恣謂跂足違俗而恣其志志意皆違俗自高之貌或曰蹤當為

蹤傳寫誤耳蹤與蹤同步也離蹤謂離於俗而步去跂訾謂跂足自高而訾毀於人離力智反跂丘弭反訾將

此反

士君子之所能不能為君子能為可貴不能使人必

貴已

可貴貴道德也

能為可信不能使人必信已能為可用不

能使人必用已

可用謂才能也

故君子恥不脩不恥見汙

見汙為人

所汙穢也

恥不信不恥不見信恥不能不恥不見用是以不

誘於譽不恐於誹

虛譽不能誘誹謗不能動

率道而行端然正已不

為物傾側夫是之謂誠君子

誠實也謂無虛偽也

詩云溫溫恭人

維德之基此之謂也

已解在不苟篇

士君子之容其冠進其衣

逢其容良

進謂冠在前也逢大也謂逢掖也良謂樂易也

儼然壯然祺然肆然

恢恢然廣廣然昭昭然蕩蕩然是父兄之容也儼然於貌

壯然不可犯之貌或當為莊祺然肆然未詳或曰祺祥也吉也為安泰不憂懼之貌肆當為肆謂寬舒之貌恢

恢廣廣皆容衆之貌昭昭明顯之貌蕩蕩恢夷之貌其冠進其衣逢其容慤謹敬儉

然忸然輔然端然紫然洞然綴然瞽瞍然是子弟之

容也儉然自謙卑之貌多然恃尊長之貌爾雅曰忸恃也郭云江東呼母為忸音紙輔然相親附之貌端

然不傾倚之貌紫然未詳或曰與孽同柔弱之貌洞然恭敬之貌禮記曰洞洞乎其敬也綴綴然不乖離之貌

謂相連綴也瞽瞍吾語汝學者之鬼說學者為鬼行之形狀鬼已解於上然不敢正視之貌

其冠絕其纓禁緩其容簡連絕當為僂謂太向前而低俯也纓冠之繫也禁緩未

詳或曰讀爲紛紛帶也言其纓大如帶而緩也簡連填
傲慢不前之貌紛紛其禁反連讀如往蹇來連之連填

填然狄狄然莫莫然瞋瞋然瞿瞿然盡盡然盱盱然填填

然滿足之貌狄讀爲超跳躍之貌莫讀爲貉貉靜也不
言之貌或動而跳躍或靜而不言皆謂舉止無恒也

瞋瞋未詳或曰瞋與規同規規小見之貌瞿瞿睭睭視之
貌盡盡極視盡物之貌盱盱張目之貌皆謂視瞻不平

或太察也酒食聲色之中則瞞瞞然瞢瞢然瞢瞢然目
盱盱于反酒食聲色之中則瞞瞞然瞢瞢然瞢瞢然目

視不審之貌謂好悅之甚佯若禮節之中則疾疾然訾
不視也瞞莫于反瞢母丁反

訾然謂憎疾勞苦事業之中則億億然離離然偷儒而
毀訾也

罔無廉恥而忍譏音詢是學者之菟也事業謂作業也
億億不勉強之

貌離離不親事之貌陸法言云億心不力也音呂偷儒謂苟避事之勞告也周謂因冒不畏人之言也謏詢謂詈辱也此一章皆明視之狀貌而辨善惡也今之所解或取聲韻假借或推億爲錯誤因隨所見而通之也

第作其冠神禪其辭

第作其冠未詳神禪當作冲澹謂其言淡薄也禹行而舜

趨是子張氏之賤儒也

但宗聖人之威儀而已矣

正其衣冠齊其顏

色嗛然而終日不言是子夏氏之賤儒也

嗛與慊同快也謂自得之

貌終日不言謂務於沈默史記樂毅與燕惠王書曰先王以爲嗛於志也

偷儒憚事無廉恥

而者飲食必曰君子固不用力是子游氏之賤儒也

偷儒

已解上者與嗜同此皆言先儒性有所偏愚者效而慕之故有此弊也

彼君子則不然佚

而不惰勞而不侵

雖逸而不懈惰雖勞而不弛慢

宗原應變曲得其宜

如是然後聖人也

宗原根本也言根本及應變皆曲得其宜也

仲尼篇第七

仲尼之門人五尺之豎子言羞稱乎五伯是何也曰然

彼誠可羞稱也齊桓五伯之盛者也

言盛者猶如此況其下乎伯曠為霸

或曰伯長也為諸侯之長春秋傳曰王命內史叔興父策命晉侯為侯伯也

前事則殺兄而

爭國

兄子糾也

內行則姑姊妹之不嫁者七人閨門之內般

樂奢汰

般亦樂也汰侈也音太下同

以齊之分奉之而不足

分半也用稅賦

之半也公羊傳

外事則詐邾襲莒并國三十五

詐邾未聞襲莒

謂桓公與管仲謀伐莒未發爲東郭牙先知之是也并

國三十五謂滅譚滅遂滅項之類其餘所未盡聞也

其行事也若是其險汙淫汰也

事險而行汚也行下孟反

彼固曷足

稱乎大君子之門哉若是而不亡乃霸何也曰於乎夫

齊桓公有天下之大節焉夫孰能亡之

於乎讀爲嗚呼嘆美之聲大節

謂節義也

倏然見管仲之能足以託國也是天下之大知也

倏安也安然不疑也大知謂知人之大也倏他坎反

安忘其怒出忘其僇言遂立以

爲仲父是天下之大決也

安猶內也出猶外也言內忘忿恚之怒外忘射鉤之讎仲

者夷吾之字父事之如父故號立以為仲父而貴戚莫

為仲父大決謂斷決之大者也

之敢妬也

其親密與之高國之位而本朝之臣莫之敢

惡也

高子國子世為齊上卿今以其位與之本朝之臣謂舊臣也春秋傳管仲曰有天子之二守國高在

與之書社三百而富人莫之敢距也

書社謂以社之戶口書於版圖周禮

三十五家為社距與拒同敵也言齊之富人莫有敢敵管仲者也

貴賤長少莫不秩秩

焉從桓公而貴敬之是天下之大節也

秩秩順序之貌

諸侯有

一節如是則莫之能亡也桓公兼此數節者而盡有之

夫又何可亡也其霸也宜哉非幸也數也

其術數可霸非為幸遇也

仲尼之門人五尺之豎子言羞稱乎五霸是何也曰然

彼非本政教也非致隆高也致至極也非綦文理也非極有文章條

理非服人心也非以義服之鄉方略審勞佚鄉讀為向趨也審勞佚謂審知

使人之畜積脩闢而能顛倒其敵者也畜積倉庫修戰

覆其詐心以勝矣彼以讓飾爭依乎仁而蹈利者也讓為

所以飾爭非真讓也行所以飾爭非真讓也行小人之傑也彼固曷足稱乎大

君子之門哉前章言五霸教時故褒美之此章明王者

人彼王者則不然致賢而能以救不肖致彊而能以寬

弱戰必能殆之而羞與之鬪

必以義服不力服也

委然成文以示

之天下

委然俯就之貌言俯就人使成文理以示天下也

而暴國安自化矣有

災繆者然後誅之

有災怪繆戾者然後誅之非顛倒其敵也

故聖王之誅也

綦省矣

省少也

文王誅四

四謂密也阮也共也崇也詩曰密人不恭敢距大邦侵阮

但共春秋傳曰文王聞崇侯亂而伐之因壘而降史記亦說文王三征伐與此小異誅者討伐殺戮之通名

武王誅二

史記云武王斬紂與妲己尸子曰武王親射惡來之口觀斫殷紂之頸手汙於血不溫而

食當此之時猶猛獸者也

周公卒業

周公終王業亦時有示征伐謂三監淮夷商奄也

至於

成王則安以無誅矣

言其化行刑措也

故道豈不行矣哉

以此言之

道豈不行人自不行耳
故又以下事明之也

文王載百里地而天下一

所載之地

不過百里而天

桀紂舍之厚於有天下之勢而不得以

匹夫老

桀紂舍道雖有天下厚重之勢而不得如庶人壽終

故善用之則百里之

國足以獨立矣不善用之則楚六千里而爲讎人役

善用

謂善用道也讎人秦也楚懷王死於秦其子襄王爲秦所制而役使之也

故人主不務得道

而廣有其勢是其所以危也持寵處位終身不厭之術

論人臣處位可終身行之之術

主尊貴之則恭敬而傳

傳與搏同

主信

愛之則謹慎而嘽

嘽與歉同不足也言不敢自滿也春秋穀梁傳曰一穀不升謂之嘽主

專任之則拘守而詳

謹守職事
詳明法度

主安近之則慎比而不

邪

謹慎親比於上
而不回邪諂佞

主疏遠之則全一而不倍

不以疏遠
而懷離二

之心

主損絀之則恐懼而不怨貴而不為夸

夸奢
侈也

信而不

處謙

謙讀為嫌
疑間使人疑其作威福也

任重而不敢專財利

至則言善而不及也必將盡辭讓之義然後受

善而不及
及如言

已之善寡不合
當此財利也

福事至則和而理禍事至則靜而理

謂理

不失其道和而理謂不充
屈靜而理謂不墮獲也

富則施廣貧則用節可貴可

賤也可富可貧也可殺而不可使為姦也

君雖寵榮屈
辱之終不可

使為姦也是持寵處位終身不厭之術也雖在貧窮徒處之

勢亦取象於是矣夫是之謂吉人徒處徒行或曰獨處也雖貧賤其所立志

亦取法於此也詩曰媚茲一人應侯順德永言孝思昭哉嗣服

此之謂也詩大雅下武之篇一人謂君也媚愛應當侯維服事也鄭云媚愛茲此也可愛乎武王能

此順德謂能成其祖考之功也服事也明哉武王之嗣行祖考之事謂伐紂定天下引此者明臣事君亦猶武

王之繼祖考也求善處大重理任大事大重謂大位也擅寵於萬乘之

國必無後患之術莫若好同之好賢人與之同者也援賢博施除

怨而無妨害之除怨不能耐任之則慎行此道耐忍也念舊惡

慎讀為

順言人有賢能者雖不欲用必忍而能用之則順已所行之道耐乃代反能而不耐任者不

忍急且恐失寵則莫若早同之推賢讓能而安隨其後

如有寵則必榮失寵則必無罪是事君者之寶而必

無後患之術也

或曰荀子非王道之書其言駁雜今此又言以術事君曰不然夫荀卿生於衰

世意在濟時故或論王道或論霸道或論強國在時君所擇同歸於治者也若高言堯舜則道必不合何以極斯民於塗炭乎故反經合義曲成其道若得行其志治平之後則亦堯舜之道也又荀卿門人多仕於大國故戒以保身推賢之術與大雅既明且哲豈云異哉故知者之舉事也滿則慮嗟

嗟不足也當其盈滿則思其後不足之時而先防之平則慮險安則慮危曲重其

豫猶恐及其旣是以百舉而不陷也

委曲重多而備豫之猶恐其及旣旣

與禍同

孔子曰巧而好度必節勇而好同必勝知而好謙

必賢此之謂也

巧者多作淫靡故好法度者必得其節勇者多凌物故好與人同者必勝之也

愚者反是處重擅權則好專事而妬賢能抑有功而擠

有罪志驕盈而輕舊怨

抑傷之也擠排也輕舊怨謂輕報舊怨也

以去害而

不行施道乎上為重招權於下以妨害人雖欲無危得

乎哉

施道施惠之道欲重其威福故招權使歸於已

是以位尊則必危任重則

必廢擅寵則必辱可立而待也可炊而饒也

炊與吹同饒當為饒

言可以氣吹之而僅仆僥倖竟是何也則墮之者衆而持之者寡矣許

窺天下之行術可以行於天下之術以事君則必通以為仁則必

聖立隆而勿貳也仁謂仁人聖亦通也以事君則必通連以為仁則必有聖知之名者在於

所立敦厚而專一也此然後恭敬以先之忠信以統之謂可行天下之術也

慎謹以行之端慤以守之頓窮則疾力以申重之以敦厚不

貳為本然後輔之以恭敬之屬頓謂困躓也疾力勤力也困危之時則尤加勤力而不敢怠惰申重猶再三也

君雖不知無怨疾之心功雖甚大無伐德之色省求多

功愛敬不勸如是則常無不順矣省少也少所求即多立功勞省所累反

以事君則必通以為仁則必聖夫是之謂天下之術少
事長賤事貴不肖事賢是天下之通義也有人也勢不
在人上而羞為人下是姦人之心也志不免乎姦心行
不免乎姦道而求有君子聖人之名辟之是猶伏而咭
天救經而引其足也辟讀為譬咭與詆同經繼也伏而
紙天愈益遠也救經而引其足愈
益急也經說必不行矣俞務而俞遠俞讀為愈故君子時屈則
屈時伸則伸也勢在上則為上在下則為下必當其
分安有勢不在上而羞為下之心哉

荀子卷三

欽定四庫全書

荀子卷四

唐 楊倞 註

儒效篇第八

效功也

大儒之效武王崩成王幼周公屏成王而及武王以屬

天下惡天下之倍周也

屏蔽及繼屬結也屬之欲反

履天下之籍

謂

天下之聽天下之斷偃然如固有之而天下不稱貪焉

偃然猶安然固有之殺管叔虛殷國而天下不稱戾焉

謂如固合有此位也虛請為墟戾暴也墟殷國謂殺武

庚遷殷頑民于洛邑

朝歌為墟也

兼制天下立七十一

國姬姓獨居五十三人而天下不稱偏焉

左氏傳成鮮對魏獻子曰

昔武王克商光有天下其兄弟之國者十有五人姬姓之國者四十人皆舉親也與此數略同言四十人蓋舉

成數又曰昔周公弔二叔之不咸故封建親戚以蕃周室管蔡邲霍魯衛毛聃邴雍曹滕畢原鄭郇文之昭也

邦晉應韓武之穆也凡蔣邢茅胙祭周公之胤也餘國名淺學難盡詳究教誨開導成王使

諭於道而能揜迹於文武

問導謂開通道達揜囊也

周公歸周

周公所歸

畿內之國亦名周春秋周公黑肩蓋其後也言周公自歸其國也

反籍於成王而天下

不輟事周然而周公北面而朝之

待其固安之後北面為臣明攝政非為己

也天子也者不可以少當也

不可少頃當此位也

不可以假攝為

也

周公所以少頃假攝天子之位蓋權宜以安周室也

能則天下歸之不能則天

下去之是以周公屏成王而及武王以屬天下惡天下

之離周也成王冠成人周公歸周反籍焉明不滅主之

義也周公無天下矣鄉有天下今無天下非擅也

鄉讀為向

下同擅與禪同言非禪讓與成王也

成王鄉無天下今有天下非奪也變

勢次序節然也

節期也權變次序之期如此也

故以枝代主而非越也

枝枝子周公武王之弟故曰枝主成王也

以弟誅兄而非暴也

謂殺管叔管叔周公之兄

也

君臣易位而非不順也

時不得不然故易位非為不順

因天下之和

遂文武之業明枝主之義抑亦變化矣天下厭然猶一

也

厭然順從之貌一涉反

非聖人莫之能為夫是之謂大儒之效

秦昭王問孫卿曰儒無益於人之國

漢宣帝名詢劉向編錄故以荀卿為

孫卿孫卿子曰儒者法先王隆禮義謹乎臣子而致貴其

上者也

謹乎臣子謂使不敢為非致極也

人主用之則勢在本朝而宜

言儒者得權勢在本朝則事皆合宜

不用則退編百姓而慤必為順下矣

必不為悖亂也

雖窮困凍餒必不以邪道為貪無置錫之地而

明於持社稷之大義嗚呼而莫之能應然而通乎財萬

物養百姓之經紀

嗚呼歎辭也財與裁同雖歎其莫已知無應之者而亦不怠惰困棄常通

於裁萬物養百姓之經紀也

勢在人上則王公之材也

在人之上謂為人君也

在人下則社稷之臣國君之寶也雖隱於窮閭漏屋人

莫不貴之道誠存也

窮閭窮僻之處閭里門也漏屋弊屋漏雨者也

仲尼將為

司寇

魯司寇也

沈猶氏不敢朝飲其羊公慎氏出其妻慎潰

氏踰境而徙

皆魯人家語曰沈猶氏常朝飲其羊以詐市人公慎氏妻淫不制慎潰氏奢侈踰法

魯之鬻六畜者師之以儲價

魯之粥牛馬者不豫賈必蚤正以待之

者也

豫賈定為高價也粥牛馬者不敢高價言仲尼居必先正其身以待物故得從化如此賈請為價

於闕黨闕黨之子弟罔不分有親者取多

居謂孔子闕居闕黨之子

弟罔不分均有無於分均之官有父母者取多也

孝悌以化之也

由孔子以孝悌化之儒

者在本朝則美政在下位則美俗儒之為人下如是矣

王曰然則其為人上何如孫卿曰其為人上也廣大矣

志意定乎內禮節脩乎朝法則度量正乎官忠信愛利

形乎下

官百官形見也

行一不義殺一無罪而得天下不為也

此君義信乎人矣通於四海則天下應之如讙

以君義通於四

海故應之如讙讙喧也言聲齊應之也

是何也則貴名白而天下治也

貴名

謂儒名可貴
白明顯之貌
故近者歌謳而樂之遠者竭蹶而趨之

竭蹶

趨倒也達者顯倒
趨之如不及然

四海之內若一家通達之屬莫不從

服夫是之謂人師

通達之屬謂舟車所至人力所通之處也師長也言儒者之功如此故可

以為人師長也

詩曰自西自東自南自北無思不服此之謂也

詩大雅文王有聲之篇引此以明天下皆歸之

夫其為人下也如彼其為人上

也如此何謂其無益於人之國也昭王曰善先王之道

仁人隆也此中而行之

先王之道謂儒學仁人之所崇高也以其比類中道而行之不

為詭異之說不高不下使賢不肖皆可及之也

曷謂中曰禮義是也道者非天

之道非地之道人之所以道也

重說先王之道非陰陽山川怪異之事是人所

行之道也

君子之所道也君子之所謂賢者非能徧能人之

所能之謂也君子之所謂知者非能徧知人之所知之

謂也君子之所謂辯者非能徧辯人之所辯之謂也君

子之所謂察者非能徧察人之所察之謂也有所正矣

苟得其正不必徧能或曰正當為止言止於禮義

相高下視境肥序五種君子

不如農人

相視也高下原隰也境薄田也五種黍稷豆麥麻謂不失次序各當土宜也

通財

貨相美惡辨貴賤君子不如賈人

視貨物之美惡辨其貴賤也賈與估同

設規矩陳繩墨便備用君子不如工人

便備用謂精巧便於備用不

恤是非然不然之情以相薦擢以相恥忤君子不若惠

施鄧析也

薦藉也謂相蹈藉擢抑皆謂相陵駕也作慙也

若夫謫德而定次

謫與

高同古字高度其德而定位次本或亦多作謫與決同謂斷決其德故下亦有決德而定次也

量能

而授官使賢不肖皆得其位能不能皆得其官

任使各當其才

萬物得其宜事變得其應慎墨不得進其談惠施鄧析

不敢竄其察

竄隱匿也言二子之察無所逃匿君子皆識也

言必當理事必當

務是然後君子之所長也凡事行有益於理者立之

行下

孟子
反無益於理者廢之夫是之謂中事凡知說有益於理

者為之無益於理者舍之夫是之謂中說事行失中謂

之姦事知說失中謂之姦道姦事姦道治世之所棄而

亂世之所從服也若夫充虛之相施易也

充實也施請曰移移易謂

使實者虛虛者實

堅白同異之分隔也

以堅白異同之言相分別隔異同異已解上也

是聰耳之所不能聽也明目之所不能見也辯士之所

不能言也雖有聖人之知未能僂指也

僂疾也言雖聖人亦不可疾速

指陳僂力主反公羊傳曰夫人不僂何休曰僂疾也齊人言也

不知無害為君子知之

無損為小人工匠不知無害為巧君子不知無害為治

君子卿大夫也

王公好之則亂法百姓好之則亂事

事謂作業

而狂

惑戇陋之人乃始率其羣徒辯其談說明其辟稱老身

長子不知惡也

戇愚也辟音譬稱尺證反身老子長言終身不知惡之也

夫是之謂

上愚

有偏僻之見非昧然無知然亦不免於愚故曰上愚

曾不如好相難狗之可

以為名也

有患施鄧析之名尚不如相難狗之名也

詩曰為鬼為蜮則不可

得有靦面目視人罔極作此好歌以極反側此之謂也

詩小雅何人斯之篇毛云蜮短狐也靦姑也鄭云使汝為鬼為蜮則汝誠不可得見也姑然有面目汝乃人也

人相視無有極時終必與汝相見也引此以喻狂惑之人也

我欲賤而貴愚而智貧

而富可乎曰其唯學乎彼學者行之曰士也

彼為儒學者能行則

為士也士者脩立之稱

敦慕焉君子也

敦厚慕之

知之聖人也

知之謂通於學

也於事皆通則與聖人無異也

上為聖人下為士君子孰禁我哉

為學之後

則誰能禁我使不為聖人士君子也

鄉也混然塗之人也俄而並乎堯禹

豈不賤而貴矣哉

混然無所知之貌並比也鄉音向塗與途同

鄉也效門室

之辨混然曾不能決也

效白辨別也向者明白門室之別異猶不能決言所知淺也

俄而原仁義分是非圖迴天下於掌上而辯白黑豈不

愚而知矣哉

原本也謂知仁義之本圖謀也廻轉也言圖謀運轉天下之事如在掌上也

鄉

也胥靡之人俄而治天下之大器舉在此豈不貧而富

矣哉

胥靡刑徒人也胥相靡繫也謂鑠相聯相繫漢書所謂銀鑠者也舉皆也顏師古曰聯繫使相隨而

服後之猶今囚徒以鑠連枷也

今有人於此屑然藏千溢之寶雖行貸

而食人謂之富矣

屑然雖碎衆多之貌行貸行乞也貸士得反

彼寶也者衣

之不可衣也

下衣於既反言已為衣則不可衣著

食之不可食也賣之不

可僂售也

僂疾然

而人謂之富何也豈不太富之器誠在

此也

喻學者雖未得衣食亦猶藏千金之寶也

是杆杆亦富人已豈不貧而

富矣哉

杆杆即于于也自足之貌
莊子曰聽居居視于于也

故君子無爵而貴無

祿而富不言而信不怒而威窮處而榮獨居而樂豈不

至尊至富至重至嚴之情舉積此哉

舉皆也此儒學也
其情皆在此故人

尊貴
敬

故曰貴名不可以比周爭也不可以夸誕有也不

可以勢重脅也必將誠此然後就也

貴名人所貴儒
學之名此身也

爭

之則失讓之則至遵道則積夸誕則虛

遵道則自委積
夸誕則尤益空

虛故君子務脩其內而讓之於外務積德於身而處之

以遵道如是則貴名起之如日月天下應之如雷霆

衆應

之聲如雷

故曰君子隱而顯微而明辭讓而勝詩曰鶴鳴于

九臯聲聞于天此之謂也

詩小雅鶴鳴之篇毛云臯澤也言身隱而名著鄭云臯澤

中水溢出所為坎自外數至九喻深遠也

鄙夫反是比周而譽俞少鄙爭而

名俞辱煩勞以求安利其身俞危

俞讀為愈

詩曰民之無良

相怨一方受爵不讓至于已斯亡此之謂也

詩小雅角弓之篇引

此以明不責已而怨人

故能小而事大辟之是猶力之少而任重

也舍粹折無適也

舍除也粹讀為碎除碎折之外無所之適言必碎折

身不肖而

誣賢是猶偃伸而好升高也指其頂者愈衆

偃偻也伸讀為身字

之誤也。僂身之人而彊升高則頭項尤低。屈故指而笑之者愈衆。

故明主誦德而序位

所以為不亂也。忠臣誠能然後敢受職。所以為不窮也。

分不亂於上。能不窮於下。治辯之極也。

不亂謂皆當其序。不窮謂通於

其職。列也。言能為治。辨之極也。

詩曰：平平左右，亦是率從。是言上下之

交不相亂也。

詩小雅采芣之篇。毛云：平平，治也。交謂上下相交接也。

以容俗為善

以貨財為寶，以養生為己，至道是民德也。

養生為己，至道謂莊生之

徒民德言。不知禮義也。

行法至堅，不以私欲亂所聞。如是則可謂

勁士矣。行法至堅，好脩正其所聞，以撝飾其情性。

謂行法

有法度行下孟
反矯與矯同
其言多當矣而未諭也其行多當矣而

未安也其知慮多當矣而未周密也

未諭謂未盡曉其義未安謂未得如

天性安行之也周密謂盡善也

上則能大其所隆下則能開道不已若

者如是則可謂篤厚君子矣脩百王之法若辨白黑應

當時之變若數一二

如數一二之易

行禮要節而安之若生四

肢

要選也節節文也言安於禮節若身之生四枝不以造物為也要一遙反下要時同

要時立功

之巧若詔四時

選時立功之巧謂不失機權若天告四時使成萬物也

平正和民

之善億萬之衆而博若一人如是則可謂聖人矣

雖博難象

多如理一

井井兮其有條理也

井兮良易之貌有條理也

嚴嚴兮其

能敬已也

嚴兮有威重之貌能敬已不可以干非禮也嚴或為儼

分分兮其有終

始也

事各當其分即無雜亂故能有終始分扶問反

厭厭兮其能長久也

厭足也亂

生於不足故知足然後能長久

樂樂兮其執道不殆也

殆炤炤兮其用

知之明也

炤炤明見之貌炤與照同

脩脩兮其用統類之行也

脩脩整齊

之貌統類綱紀也言事不乖悖也

綏綏兮其有文章也

綏綏安泰之貌綏或為歲疑之

貌

熙熙兮其樂人之臧也

熙熙和樂之貌

隱隱兮其恐人之不

當也

隱隱憂戚貌恐人皆行事不當理此已上之論大儒之德也

如是則可謂聖人

矣此其道出乎一曷謂一曰執神而固執持精神堅固曷謂神

曰盡善挾洽之謂神萬物莫足以傾之之謂固挾請為浹浹周

洽也神固之謂聖人聖人也者道之管也天下之道管是

矣百王之道一是矣管樞要也是是儒學故詩書禮樂之歸是矣

詩言是其志也是儒之志書言是其事也禮言是其行也樂

言是其和也春秋言是其微也微謂儒之微旨一字為褒貶微其文隱其義之

類是故風之所以為不逐者取是以節之也風國風逐流蕩也國

風所以不隨荒暴之君而流蕩者取聖人之儒道以節之也詩序曰變風發乎情止乎禮義發乎情民之性也

止乎禮義先王之澤也

小雅之所以為小雅者取是而文之也

正雅

也文飾也

大雅之所以為大雅者取是而光之也頌之所以

為至者取是而通之也

至謂盛德之極

天下之道畢矣鄉是者

臧倍是者亡鄉是如不臧倍是如不亡者自古及今未

嘗有也

是皆謂儒也鄉讀為向

客有道曰孔子曰周公其盛乎

言其

德身貴而愈恭家富而愈儉勝敵而愈戒

戒備也言勝敵而並戒備

荀卿之時有客說孔子之言如此

應之曰是殆非周公之行非孔子之

言武王崩成王幼周公屏成王而及武王履天子之籍

負宸而坐

戶牖之間
謂之宸

諸侯趨走堂下當是時也夫又誰

為恭矣哉兼制天下立七十一國姬姓獨居五十三人

焉周之子孫苟不狂惑者莫不為天下之顯諸侯孰謂

周公儉哉武王之誅紂也行之日以兵忌

武王發兵日以兵家所忌

之東面而迎太歲

迎謂逆太歲也尸子曰武王伐紂魚辛諫曰歲在北方不北征武王不從

至汜而汜至懷而懷

汜水名懷地名書曰覃懷底績孔安國曰覃懷近河地名謂至汜而

適遇水汎漲而至懷又河水汎溢也呂氏春秋曰武王伐紂天雨日夜不休汜音祀

至共頭而山

隧

共河內縣名共頭蓋共縣之山名隧謂山石崩摧也隧讀為墜共音恭

霍叔懼曰出三

日而五災至無乃不可乎

霍叔武王弟也出行也周居豐鎬軍出三日未嘗至共蓋

大王三分天下有其二境上已近於洛矣或曰至汜之後三日也

周公曰剋比干而囚

箕子飛廉惡來知政夫又惡有不可焉

比干紂賢臣箕子紂諸父其國

名子爵也飛廉惡來皆紂之嬖臣飛廉善走惡來有力也

遂選馬而進

選揀擇也

朝食於

戚暮宿於百泉

杜元凱云戚衛邑在頓丘衛縣西百泉蓋近朝歌地名左氏傳曰晉人敗范氏

于百厭旦於牧之野

厭掩也夜掩於旦謂未明已前也厭於甲反

鼓之而紂

卒易鄉

倒戈而攻鄉讀曰向後也

遂乘殷人而進誅紂

乘其倒戈之勢蓋殺

者非周人因殷人也

非周人殺之因殷倒戈之勢自殺之也

故無首虜之

獲無蹈難之賞

周人無立功受賞者

反而定三草偃五兵

定息偃化也皆

不用之義

三草

犀也兕也牛也

考工記曰函人為甲犀

甲七屬兕甲六屬合甲五屬

穀梁傳曰天子殺日置五

鹿陳五兵

范甯云

五兵矛戟鉞楯弓矢

國語說齊桓定

三草偃五月辛卯云

三草甲冑盾也五刃刀劍矛戟矢

也

合天下立聲樂

合天下謂合會天

於是武象起而韶

序云武象周武王克殷之後樂名武亦周頌篇名詩

見舜韶濩者蓋殷時兼用舜樂武王廢之也

莫不變心易慮以化順之故外闔不開

闔門

跨天下而

無新

言自足也

亦人皆與之不待求

當是時也夫又誰

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

也

為戒矣哉

太平如此
誰復備戒

造父者天下之善御者也無與馬

則無所見其能

造父周穆
王之御者

羿者天下之善射者也無弓

矢則無所見其巧

羿有窮之君逐夏
太康而遂篡位者

大儒者善調一天

下者也無百里之地則無所見其功與固馬選矢而不

能以至遠一日而千里則非造父也弓調矢直矣而不

能以射遠中微則非羿也

善射者既能及遠
又中細微之物

用百里之

地而不能以調一天下制彊暴則非大儒也彼大儒者

雖隱於窮閭漏屋無置錐之地而王公不能與之爭名

在一大夫之位則一君不能獨畜一國不能獨容成名

況乎諸侯莫不願得以為臣

己解非十
二子篇

用百里之地而

千里之國莫能與之爭勝筭極暴國齊一天下而莫能

傾也是大儒之徵也

傾危
微驗

其言有類其行有禮

類善也
謂比類

於善不為
狂妄之言

其舉事無悔其持險應變曲當

險危也持危
應變皆曲得

其宜當
丁浪反

與時遷徙與世偃仰

隨時
設教

千舉萬變其道一也

是大儒之稽也

其道一謂皆歸於治也故禹湯文武事
跡不同其於為治一也稽考也考成也

其窮也俗儒笑之其通也英傑化之鬼瑣逃之

倍千人
曰英倍

萬人曰傑言英傑之士則慕而化之狂怪之人則畏而逃去之邪說畏之衆人愧之人

初皆非其所為成功之後故自愧也愧或為貴也通則一天下窮則獨立貴名

儒天不能死地不能埋桀跖之世不能汙非大儒莫之

能立仲尼子弓是也故有俗人者有俗儒者有雅儒者

有大儒者辨儒者之異也不學問無正義以富利為隆是俗人

者逢衣淺帶解果其冠逢大也淺帶博帶也韓詩外傳作逢衣博帶言帶博則約束衣服易也

故曰淺帶解果未詳或曰解果狹隘也左思魏都賦曰風俗以登慄為墟登下界反慄音果墟音獲靜好也或

曰說苑淳于髡謂齊王曰臣父鄰國之祠田以一壺酒三鮒魚祝曰蠚蠚者宜禾汗邪者百車蠚蠚蓋高地也

今冠蓋亦比之謂略法先王而足亂世術
略粗也粗法

強為儒服而無其實略法先王而足亂世術
先王之遺言

不知大體故足以亂世法韓詩外
傳作略法先王而不足於亂世

王而壹制度不知隆禮義而殺詩書後王後世之王夫
隨當時之政而平

制度是壹也若妄引上古不合於時制度亂矣故仲尼修春秋盡周法韓詩外傳作不知法先王也
其衣

冠行偽已同於世俗矣然而不知惡者衣冠即上所云
逢衣淺帶之比

行偽謂行偽而其言議談說已無異於墨子矣然而明
不能分別呼先王以欺愚者而求衣食焉
呼謂

足以揜其口則揚揚如也揚揚得意之貌
隨其長子事其便辟

舉其上客億然若終身之虜而不敢有他志是俗儒者

也長子謂君之世子也便辟謂左右小臣親信者也便辟延反辟讀為嬖舉其上客謂褒美其上客冀得其

助也億字書無所見蓋環繞因拘之貌莊子曰眈然在經綴之中矣法後王一制度隆禮

義而殺詩書其言行以有大法矣然而明不能齊

雖有大體

其所見之明猶未能齊言行使無纖介之差

法教之所不及聞見之所未至

則知不能類也

有所未知則不能取比類而通之也禮記雖先王未之有可以義起是能類者

矣知之曰知之不知曰不知內不自以誣外不自以欺

不自以是尊賢畏法而不敢怠傲是雅儒者也

有雅德之儒也

法先王統禮義一制度以淺持博以古持今以一持萬

以淺持博謂見其淺則可以執持博也先王當為後王以古持今當為以今持古皆傳寫誤也荀仁義

之類也雖在鳥獸之中若別白黑善類在鳥獸之中猶別況在人矣倚

物怪變所未嘗聞也所未嘗見也卒然起一方則舉統

類而應之無所擬恁倚奇也韓詩外傳作奇物怪變卒于忽反擬讀為疑恁與作同奇物

怪變卒然而起人所難處者大儒知其疑類故舉以應之無所疑滯漸作也張法而度之則

睭然若合符節是大儒者也既無所疑作故開張其法以測度之則睭然如合符

節言不差錯也度大各反睭與暗同符節相合之物也周禮門闢用符節蓋以全竹為之剖之為兩各執其一

合之以
為驗也故人主用俗人則萬乘之國亡
不義而好用俗利故亡也

儒則萬乘之國存
僅用雅儒則千乘之國安用大儒則

百里之地久
外國多患難用大儒然後三年天下為一

諸侯為臣
長久之業既成又三年修德化則可以一天下臣諸侯蓋殷湯周文皆化行之後三年而

王用萬乘之國則舉錯而定一朝而伯
錯讀為措伯讀為霸言一朝而

霸也不聞不若聞之間之不若見之見之不若知之知之

不若行之學至於行之而止矣行之明也
行之則通明於事也

之謂聖人
通明於事則為聖人聖人也者本仁義當是非齊言行

不失毫釐無他道焉已乎行之矣

當下浪反已止也言聖人無它在止於行

其所學者也

故聞之而不見雖博必謬

雖博聞必有謬誤也見之而不

知雖識必妄

見而不知雖能記識必昧於指意謂若刺力然也

知之而不行雖

敦必困

苟不能行雖所知多厚必至困躓也

不聞不見則雖當非仁也

雖

有所當非仁人君子之通明者也

其道百舉而百陷也

言偶中之道百舉而百陷無一

可免也

故人無師無法而知則必為盜勇則必為賊云能

則必為亂

云能自言其能

察則必為怪

惠施鄭析之凡

辯則必為誕人

有師有法而知則速通勇則速威云能則速成察則速

盡辯則速論

察則速盡謂有聽察之性則能速盡物理速論謂能速論是非故有師法

者人之大寶也無師法者人之大殃也人無師法則隆

情矣有師法則隆性矣

隆厚也厚於情謂悲其情之欲厚於性謂本於善也而師

法者所得乎情非所受乎性不足以獨立而治

情謂喜怒哀惡

外物所感者也言師法之於人得於外情非天性所受故性不足獨立而治必在因外情而化之或曰情當為積所得乎積習非及於天性既非天性則不可獨立而治必在化之也性也者吾所不能

為也然而可化也

言天性非吾自能為也必在化而為之也情也者非吾所

有也然而可為乎

言情非吾天性所有然可以外物誘而為之或曰情亦當為積習與天

然有殊故曰非吾所有雖非所有無而可爲之也

注錯習俗所以化性也

注錯猶措

置也錯千故反

并一而不貳所以成積也

并讀為併一謂師法貳謂異端

習俗

移志安久移質

習以為俗則移其志安之既久則移本質

并一而不貳則通

於神明參於天地矣故積土而為山積水而為海旦暮

積謂之歲至高謂之天至下謂之地宇中六指謂之極

六指上下四方也盡六指之達則為六極言積近以成達

塗之人百姓積善而全盡

謂之聖人彼求之而後得為之而後成積之而後高盡

之而後聖故聖人也者人之所積也

言其德行委積

人積耨耕

而為農夫積斲削而為工匠積反貨而為商賈

反讀積為販

禮義而為君子工匠之子莫不繼事而都國之民安習

其服

安習其土風之衣服

居楚而楚居越而越居夏而夏

謂中夏

非天性也積靡使然也

靡順也順其積習故能然

故人知謹注錯慎

習俗大積靡則為君子矣

大積靡謂以順積習為也

縱情性而不足

問學則為小人矣為君子則常安榮矣為小人則常危

辱矣凡人莫不欲安榮而惡危辱故唯君子為能得其

所好小人則日徼其所惡

徼與邀同也於宵反

詩曰維此良人

弗求弗迪維彼忍心是顧是復民之貪亂寧為荼毒此

之謂也

詩大雅桑柔之篇迪進也言厲王有此善人不求而進用之忍害為惡之人反顧念而重復之

故天下之民貪亂安然為荼毒之行由王使之然也

人論

論人之善惡論虛罔反

志不免於

曲私而冀人之以已為公也行不免於汙漫而冀人之

以已為脩也

汙穢也漫欺誑也漫莫叛反

其愚陋溝瞽而冀人之以

已為知也是衆人也

溝音寇愚也溝瞽無知也衆人謂衆庶也

志忍私然後

能公行忍情性然後能脩

忍謂矯其性行下孟反

知而好問然後

能才

其智慮不及常好問然後能有才藝

公脩而才可謂小儒矣

皆矯其不及故

為小志安公行安脩知通統類如是則可謂大儒矣大

儒者天子之三公也

其才堪王者之佐也

小儒者諸侯大夫士也

衆人者工農商賈也禮者人主之所以為羣臣寸尺尋

丈檢式也人倫盡矣

檢束也式法也度也尺寸尋丈所以知長短也檢束所以制故佚大

儒可為天子三公小儒可為諸侯大夫禮可以摠統羣臣人主之柄也倫讀為論或曰倫等也言人道蓋盡於

禮也君子言有壇宇行有防表道有一隆

累土為壇宇屋邊也防隄表標

也言有壇宇謂有所尊高也行有防表謂有標準也一隆謂厚於一不以異端亂之也

言道德之

求不下於安存

此道德或當為政治以下有道德之求故誤重寫耳故下云諸侯問政不及安

存則不告也謂人以政治來求言志意之求不下於事

則以安存國家已上之事語之以脩其志意來求則言道德之求不二後王

道德教化也人以教

化來求則言當時之切所宜施行之事不二後王師告而以達古也舍後王而言達古是二也

道過三

代謂之蕩

道過三代已前事以久達則為浩蕩難信也

法二後王謂之不雅

雅正也其治法不論當時之事而廣說遠古則為不正也

高之下之小之臣之不外

是矣

臣當為巨雖高下大小不出此壇宇防表也

是君子之所以騁志意於

壇宇宮庭也

宮謂之室庭門屏之內也君子雖騁志意論說不出此壇宇宮庭之內也是時百家

異說多妄引前古以亂當世故荀卿屢有此言之也故諸侯問政不及安存則不

告也匹夫問學不及為士則不教也百家之說不及先

王則不聽也

百家雜說不及先王之道妄起異端則君子不聽之也

夫是之謂君

子言有壇宇行有防表

荀子卷四